


# سالىب زىرو

للشعر



حناء الديه حمدى





سالب زيرو

**سالب زيرو**  
**ضيا. الدين حمدي**

سالب زيرو

الكتاب : سالب زيرو

المؤلف : ضياء الدين حمدي

تصميم الغلاف : محمد مجدي

رقم الايداع : 2014\11450

الترقيم الدولي : 3-17-978-977-6495

\*\*\*\*\*

دار الميدان للنشر والتوزيع

جمهورية مصر العربية

هاتف : ٠٥٥٢٣١١٤٠٨ - 01211112057

Website: [www.daralmidan.com](http://www.daralmidan.com)

E-mail: [almidan@daralmidan.com](mailto:almidan@daralmidan.com)



جميع الحقوق محفوظة للمؤلف ، و اي اقتباس او  
اعادة طبع او نشر دون اخذ موافقة كتابية من دار  
الميدان فإن ذلك يعرض صاحبه للمساءلة القانونية .

سالب زيرو  
ضياء الدين حمدي  
ديوان شعر عامي



وَمَا تَوْفِيقِي إِلَّا بِاللَّهِ عَلَيْهِ تَوَكَّلْتُ وَإِلَيْهِ أُنِيبُ

صدق الله العظيم





## إهداء

لـ أُمي نور عيوني ومصدر سعادتي وقوتي ..

لـ أبويا سندي وضهري في الدنيا ..

لـ إخواتي عزوتي ..

ربنا يخليكم ليا ويدمكم نعمه عليا ويحفظكم  
من كل شر ...



## شكر وتقدير

تحية وشكر واجب ل أختي الصغيره حبيبتى وبنتي اللي  
ربيتها وكبرت على إيديا والي ساعدتني وتعبت معايا و  
ساهمت بشكل كبير إن العمل يطلع ب أكمل وجه  
ممکن ، ول أصدقائي اللي كانوا دائماً جنبي وبيدعموني  
ويشجعوني واخص بالذكر ( حسام عزت ، منى محمد )  
واللي فيهم اتجسدت معنى الصداقه الحقيقيه ، و لكل  
حد وقف جنبي وآمن بموهبتي وأداني الدفعه واهتم  
يتابع كتاباتي ، و لكل حد اتخلي عني وخذلني وأداني  
وحاول يحبطني .. شكراً لأنك خلّتني أقوى ...

و ل نفسي اللي اتحملتني وقويت وصبرت ومضعتش  
شكراً .....

سالنڊ زيرو



1. إوعديني !

إوعديني لو افترقنا ما اتنسيش  
ولو فضلنا حبنا يفضل يعيش  
إوعديني ولو بكلمة أو بنظره  
تطمني لو مهما كان ومتخافيش  
إوعديني تفضلي فرحانه دائماً  
مش عايز قلبك يموت من بعدي أبداً  
لو كان نصيبي إني افارقك مش راح احزن  
قصاد دموعك أي حاجة متساو يش !  
مش بفرط في اللي بينا وبسهوله  
أو بزيد بكلامي على كتفك حموله  
غرضي نكون واخدين حبيبتني احتياطنا  
ومش قاصد حتى أعيش دور البطوله  
كل شيء وارد مسيره ومحتمل  
واللي مكتوبله هيحصل كان حصل  
أوقات حياتنا تكون عسل  
وساعات كثير بتكون بصل  
حلو الحياه أو مرها .. محتاجه ناس قانعه وحموله !  
إوعديني لو إختلفنا وهتسيبيني  
ترحمي بعديها ضعفي أو حنيني

و اشتياقك جوه قلبك يستمر  
إنتي الوحيدہ اللي بكت علشانها عيني ..

إوعديني ولو ف أسوء الظروف  
وامتلى قلبك برعشه أو بخوف  
أو روحك عجزت تشوف  
ولا أي حاجة هتشوفيني !

وانا بوعدك طيفي هيمحيلك مخاوفك  
لو بعيد عنك هكون جنبك وشايفك  
حبي هيقويكي هيمانعك ف ضعفك  
صدقيني هكون محاوطك هتلاقيني

ولو ابتديتي بس ثانيه تكرهيني  
هتلاقيني بترفضي فيكي تعادينني  
حبي هيحزنن قساوتك  
وحياتك عندي وغلاوتك  
هبقى عندك لما دمعك هينادينني !

إوعديني ♥

\*\*\*\*\*

## 2. و حاجات !

فيه حاجات لو ضاعت تلقاها  
وحاجات لو ضاعت تلقاك  
وحاجات لو مهما انت معاها  
عمرها ولا كانت لحظه معاك  
وحاجات بتضيع وماهيش راجعه  
وبتشبه ف نزول الدمعه  
بتريح رغم انها واجعه  
وبتسيبك علامات جواك !  
وحاجات لو بقيت كات خير  
وطالما مشيت مش قدرك  
وملكش نصيب فيها كثير  
بتبان الحاجه حسب صبرك  
والوقت يبين حقيقتها  
بيشيل الخدعه ف مراياتها  
وبتعرف إنها نهايتها  
مش خير وان انت كفيت شرك ..  
وان ضاعت وانت مشيت ليها  
وقعدت تحاول تلاقيها  
أو كنت هتتمسك بيها  
هتضيع ويأها سنين عمرك

وحاجات فيك ياما هتتكسر  
وان مره حاولت تصلحها  
تلقاها بتتبعتر أكثر  
ميعلم فيك أوي تجريحها  
وهتخسر مجهود ع الفاضي  
اتقبل وضعها كون راضي  
ماهو أصل ده غصب ومش عادي  
أنا بس بقولك توضيحها ..  
وحاجات بتضيعها بطبعك  
من خوفك أو حتى مواجعك  
وساعات من جهلك بقيمتها  
مش بتفوق غير بنزول دمعته  
وحاجات مبتعرفش قيمتها  
غير لما بتخسرهما وتبعد  
وقتها بتبانلك حقيقتها  
وكأنك من فتره مغمض  
لو مهما عليها هتتحسر  
بيكون فوقانك متأخر  
علشان استحليت المنظر  
ومقدرتش مضمونها تحدد ..  
وحاجات بتكون انت مالکها  
وحواليك مغشوشه ف صورها



وبتبقى عليها وبتبت  
مبتقاش عايز تخسرها ..

وحاجات على شكل الحكايات  
تسمعها لكن مش بتشوفها  
أوقات بتزاو لك خيالات  
لو لحظه لكن مش بتعيشها

وحاجات بتقابلك بالصدفه  
مكانتش أساساً على بالك  
بتشدك بحنين وبلهفه  
علشان أصلاً مقسومالك 😊

\*\*\*\*\*

3. مش حرام !

حُبِّي ليكي مش حرام  
مش هينقض الصيام  
مش مجرد بس نزوه  
مش قواله و مش كلام

مش موسيقى ف لحن غنوه  
نظرتين ولا حتى شهوه  
كل دول ف رجولي حدوه  
وانتي أعلى ف المقام

حب ف المعنى يكمل  
كل نقص وميل هيعدل  
بين قلوبنا جسر يوصل  
و ف الزعل رقة ملام

مش وصولي ل حد رغبه  
جراة مدفون فيها رهبه  
100 مغامره

مهمه صعبه

وكل يوم درس وعلام

مش ضعيف ف بكايا ليكي  
مش خساره دموعي فيكي  
كل دمعه دين عليكي  
مسترد فيوم خصام

مش خروجه ولا فسحه  
مش حجاب ولا حتی طرحه  
لهفه ضحکه شوق وفرحه  
انتظار لحظه سلام

مش مراقبه و مش شکوک  
مش نقار زی الدیوک  
مش شراره بین سلوک  
حب معناه احترام

مش خناق علی شکل لبس  
مش نکد ولا حتی بؤس  
بالبساطه زوق وحس  
روح بتوصل ف الوثام

الثقه قویه فيه  
ومحاوطها سور عالیه  
قوه من صدق مداریه  
نبض شریانه الغرام

حب مش نمطي وروتین  
مش ضعیف لاء خیط متین  
کل یوم بیزید حنین  
ارتجاله ب 100 نظام ♡

\*\*\*\*\*

4. هجيبك

هجيبك م القلوب اكوام  
عشان بيكي ما تتعشم  
وهغزلك خيوطها سهام  
وعلى حبك هترحم  
هعلي اسوار واحصنها  
واجيبك كته اتمنها  
ومن املك همگنها  
واجمعها وحدفنها  
ولا اخليها تتكلم ..

وبعد ما يغرقوا ف حبك  
هنولهم مراد قلبك  
عشان ينتقموا من جرحك  
هبيح دمك ولا يحرم  
هقيدهم ف سلسالك  
واشكلهم ب صلصالك  
هقطعهم ف أوصالك  
همضيهم على وداعك  
واجي واختم !

ووقت ماييجي يوم داغك  
هزيد الضغط ف دماغك



وازيد المزق ف ضلوعك  
وهسمع صوتها تتحطم  
وكل ما زاد وجع هكتم  
ف قلبي الصرخه واتعلم  
عشان ما اصعبش على نفسي  
ولا للحظه ف يوم اندم !

هخلي دموعي زي الماس  
هتلمع توجع الإحساس  
ويتكاتروا عشان تبكي  
وهسقيها لكل الناس

أشوف وجعك وهتشقى  
واميل ميله ب ١٠٠ كفه  
وهقتل شوقي ب اللهفه  
وهشربهم ف أحلى كاس ..

هعلي الصوت ف ضحكاتي  
وهعلن ليكي مواساتي  
وانكس علمي ف هواي  
واحط ع الألم ترباس !

حدادي هعلنه ملده  
على طييتي وعلى الهبده  
ف قلبي والعيون شاهده  
وهجعلك عيوي مداس ..

ولما تحسني ب الغُربه  
هغني بصوتي كام عُربه  
وهدفن حبي ف التُربه  
عشان مايقالوا أي أساس ..  
كفايه اني بكيت حرقه  
وقادت ناري ع الفرقه  
وراح وقتي معاكي سرقه  
ومالوش مقياس !!!

\*\*\*\*\*

5. عند بابك

لو ناداني الشوق وجيت.. عند بابك أو بكيت  
أعذريني مش بكيفي.. لو عليكي ف يوم جريرت  
لو ف ضلك إحتميت.. لو أخذت هواي بيت  
غصب عني لو ف ثانيه.. جوهر حزنك اترميت ..  
لو هلومك واشتكيت.. جيت عاتبتك أو حكيت  
قد إيه بعادك قتلني.. واني بعدك اتنسيت  
لو وصفت إني قاسيت.. بكبريائي كثير داريت  
لو طلبت العفو منك.. إني سيبتك يوم مشيت ..  
لو فاجأتك وانحنيت.. وجيت خاتم وابتديت  
اطلب انك تبقي ليا.. ونبتدي نقص الشريط  
لو هجيبك وردتين.. مشبوكين ف فيونكتين  
واحدة مشبكها ف شعرك.. واعقد الثانية ف خيط ..  
بعد منك انتهيت.. من وجودي اتلغيت  
باخت الدنيا ف عينيا.. ب البطيء موتي رضيت !

\*\*\*\*\*

6. حاجه تفزع !!!

وبتفضل تضحك على روحك  
لحد ما عينك بتدمع  
وبتفضل ماشي على جروحك  
مانتاش عارف يوم ترجع  
ماهو أصلك جواك متكسر  
على كل مشاعرك متحسر  
وف كل تعاملك بتقصر  
مع ناس ف طباعها بقت توجع ..

وبرجلك تفضل تتهزهر  
وبتكتم جواك متترفز  
مش حاسس ولا حتى مرگز  
مبقاش سهل وعادي تجمع  
والنبضه تدق ف شرايينك  
والدمعه بتحبسها ف عينك  
وضلوعك ضاغطة ومازقينك  
ونفس يدخل ونفس يطلع ..

والقلب دفاه بقى بيشتي  
بيكون ف الصهد ومتغطي  
مش عايزك تفضل فيك نمطي  
والحفرة بتأخذك وبتوسع



والضحكه تجيب دمعته تاخذها  
والدمعه ف عينك ليه رافضها ؟  
ماهياش فاترينه انت عارضها  
علشان الناس يوم فيها تطمع  
وبتصعب نفسك على نفسك  
وبتقلع وش يقوم لابسك  
وف سجن الحزن يقوم حابسك  
وف أي زياره عنك يمنع  
ومع إنك مُحبط وف يأسك  
بتلاقي جواك حد معاكسك  
تيجي تبعد تلاقيه جه عكسك  
تتخض وتلقاها حاجه تفزع !  
وتحاول تلقالك مهرب  
ف تتوه ب العكس وتتغرب  
وبدل ما انت بتنوي تقرب  
تلقى الموضوع مبقاش ينفع ..  
وبياخدك ترحالك رحله  
ولياالي الوحده تكون كاحله  
وسفر وخطاوي ماهيش سهله  
وفضولك جواك ولا يشبع !!!

\*\*\*\*\*

7. قصه منهيه

غصب عني الشوق غلبني

غصب عني كان شاددي

كنت عارف إني هتعب

وأن قلبك مش حابيني ..

كان مصيري معاك فراق

قد حجم الاشتياق

كنت عايش وف سباق

بنتظر إمتى تسيبني ..

كنت بضحك قلبي خايف

كنت هحزن برضه عارف

كنت حاسس كنت شايف

كل يوم انك بايعني ..

بس مقدرتش ما احبش

بس معرفتش اطنش

وانسى قلبك.. ليه مسيبتش ؟

وجعي حتى بعيد ياخدني !

رغم إني حاولت أهرب

بس برضه كنت اقرب

كان هواك دائماً بيغلب

أي شيء عنك باعدني ..

واما فوقت وقولت لأه  
لازم انسى واتوه ف فرقه  
قلبي حس بنار وحرقه  
غصب عني الحب جابني ..

كانت السكينه سارقه  
روحي دابت فيك وغارقه  
رغم حجم آلام وخنقه  
والوجع اللي عاصرني ..

كنت حتى بحس شفقه  
والعيون ماهيش ملاحقه  
والدموع شانقاني شنقه  
فوق ما حبك كان قاتلني ..

كنت احاول اقول بحبك  
وابقى نفسي يحس قلبك  
عقلي يرفض أبقي جنبك  
وانت أبداً مش حاسسني ..

واما يوم شوفت ف عيونك  
حب سهر فيك جفونك  
قولت لازم اعيش بدونك  
كان قراري ده غصب عني ..

کنت عارفِ إيه آخرها  
قصه منهيّه ف مصيرها  
ثانيه تبدّل بغيرها  
وبإيديك تصبح باعدي ..  
بس هعمل إيه ف قلبي  
غاوي وجعي وغاوي تعبني  
ألي شوفته معاه بغلبي  
بعده هاخذ مين حابيني !!؟

\*\*\*\*\*

8. تباشیره

فین اما زمان علامنا کان ب تباشیره  
مکناش فیه بتکشیره ولا غیره  
وحابین فیه أساتذتنا وجامعتنا  
مکانش ده کله یوم فالصو ولا غیره

وناکل اکلنا ف فسحه  
ونلعب نجري م الفرحة  
مکانش الهم ف عقولنا  
ولا درینا بحاجات جارحه  
ولا الدنيا کانت واخذانا تخديره ..

نحب حصنا نحضرها  
وکل دروسنا نذاکرها  
ولما کنا بنزوغ  
ف حوش المدرسه کبرها !

زعيق أو شخطه أو علقه  
أو المد على الفلکه  
أو التذنب ف کوم طوابير  
ونضحك ضحکه وبسرقه  
على المنظر على وقفنا تکديره ..

ولما حصه الألعاب  
نطير م الفرحة أوي بیها

ونجمع شلة الأصحاب  
وننسى روحنا وسطها ..

ولما كُنا نتشاقى  
فوسط الحصه أو ناكل  
ولو ف هزارنا نتغاي  
وتحصل مننا مشاكل  
نيجي نروح بنسأها على السيره ☺

\*\*\*\*\*

9. بحبك ♡

بحبك سمكه مرميه ف شباك نهرك  
بحبك فرحه منهيه ل سنين صبرك  
بحبك حزن بيضمك يزيح همك  
ده انا عشقك انا روحك انا قدرك  
بحبك سحر معمولي ومن أطرك  
مدوبني مغرقني ف نسيم عطرك  
رابطني بيكي وبحبك وف عينيكي  
مرايتي العاكسه من عيني شعاع نظرك ..  
بحبك حاجه تغنيكي عن الدنيا  
بحبك كلمه مليانه بمعاني ثانيه  
بحبك وقت بيعدي ف سنين ثانيه  
واقدم روحي وحياتي يكونوا مهرك !  
بحبك بيت بيتأسس على العشره  
ومليان صدق فيه إحساس  
بحبك عهد متاخذ مسيره بكره  
يدوم وييان قصاد الناس  
بحبك أسره مترابطه  
مبياثرش فيها خبطه  
ومش كلمه ولا أونطه  
دي فعل ومبني ع الإخلاص ..  
بحبك ♡

\*\*\*\*

10. أمي

وطول الليل بتسألني على حالي وأحوالي  
ولما أتعب دي أول حد يسألني يقول مالي  
وتدعيلي ف نص الليل ب صبر جميل  
تقول يارب حققه أمل عالي

يا أمي يا أغلى من نفسي ومن جاهي ومن مالي  
ماليش غيرك انتي م الدنيا هيبقالي  
ده مهما اكبر ولا خوفك ف يوم بيقبل  
صدق اللي قال.. ان الضنا غالي ..

تبين ضحكه وتخبي قلق جوفها  
تطمني ولا بيهدى ف يوم خوفها  
ده انا برتاح ف لحظة بس مابشوفها  
بيهدى وجعي لما بتبقى دعيالي

ونظراتها بتملاني دفا وأمان  
وبتهون عليا الخوف أو الحرمان  
بشوف الدنيا بعنيها بأحلى ألوان  
كفايه حياتي برضاها بترضالي ..

بتاخذ الحزن من قلبي وتحزنلي  
بتبكي عشائي وعليا وعلى همي  
ولما أفرح دي أول حد يفرحلي  
يا فرحة عمري وحياتي .. حبيبتني يا أمي

\*\*\*\*\*



11. عروستها 😊

قامت تجيب عروستها من جوه الدولاب  
وتشوف لعبها وتستعيد ذكرى وسراب  
جوه صندوقها العجيب خبت قصص  
منها عاشتها ومنها ضاع زي الفرص  
كل دول خلوها شهقت ب النفس  
وفتحوا عليها من الألم 100 ألف باب  
مكانتش أبداً عمرها بتعمل حساب  
أو تفكر ف اللي ياما إيديها ساب  
بس من كتر اللي فيها من ألم  
بدأت تعبر عن وجعها بالقلم  
غصب عنها برضه حسست بالندم  
أصلها شافت جراح شافت عذاب ..

صادفت أجندة الخواطر  
اللي فيها اكوام مشاعر  
واللي كتبت فيها ياما  
عن شبابها اللي منها سافر  
وعن حبيب خذلها قلبه  
رغم انها كات واقفه جنبه  
ياما شالت عنه تعب  
بس سابها بطبع غادر ..

فجأه حسّت بالحنين  
فجأه حسّت بالكتاب ..

قامت تجيب عروستها من جوه الدولاب  
وتشوف لعبها وتستعيد ذكرى وسراب !

حتى صحباتها البنات  
ياما غاروا من جمالها  
كانلهم ياما حكايات  
عملوا كل اللي يضايقها  
اللي ودّعها وفزرقها  
واللي تاه منها في مشاغل  
واللي كان للموت سابقها  
واللي خسروها في مشاكل  
واللي فضلوا اجدع أصحاب ..

قعدت تنفض في التراب  
اللي غطي كام كتاب  
م اللي حبت تحتفظ  
بيهم ك ذكرى م الشباب  
واستعادت ذكرياتها  
والأنين جوه حكاياتها  
والفرح ويا الدموع  
وكام شريط فيهم حياتها  
واما كات بتفوت ساعاتها  
واقفه قدامها مراياتها

تلبس وتغير تسريحة ..  
شعرها وتسبب خصلاتها  
لو حتى على أتفه أسباب ..

بدأت تشوف كل الهدايا  
اللي ليهم 100 حكاية  
كل حاجة ليها قصه  
100 بدايه و 100 نهايه  
حتى رسوماتها البسيطة  
اللي كانوا ف الطفوله  
بس أحاسيسهم غويطه  
شالوا منها كام حموله ..

طلعتهم

فنطتهم

نفضتهم

نظفتهم

بعد ما كانت نسيتهم

قامت جابتهم

بروزتهم

علقتهم

أحلام بسيطه ف شخبطه

جرت قلم متخططه

فرحه ملياها الأمانى

حاجه ليها طعم تاني

رسمه ملياها المعاني  
حتى لو مش متظبطه ..  
حسّ الأيام بتجري  
واللي باقي منها ذكرى  
زي قلم رصاص ومبري  
مهما يكتب آخره فتره ..

قامت تجيب عروستها من جوه الدولاب  
وتشوف لعبها وتستعيد ذكرى وسراب !!؟

\*\*\*\*\*

12. وقت ضيقتي !

وقت ضيقتي بانلي فعلاً كوم حقايق  
مين ف كتفي ومين كمان اصحاب دقايق

مين بييجي يوم ويمشي  
ومين ثواني ما يتعاشرشي  
ألف كف علم ف وشي  
خدت خبره من الخلايق ..

ومين ف هبله عليا سايق  
ومين يغش ومين ينافق  
وناس كلامها بيساندي  
وناس غريبه بعيدة عني  
وناس قريبه لكن تبيعني  
مبقتش بزعل ولا بتضايق ..

خدت مكسب م التجارب  
والبيان توبه توارب  
عشان ماتدخلش العقارب  
جوه جسمي تبخ سم  
رغم حسي إني شايب  
وارتياحي عني غايب  
صابره روعي ع المصايب  
مش بتستسلم ل هم ..  
حتى لما ببقى عاشق

والقى سهم ف قلبي راسق  
بمسكه بايديا اشده  
والوجع بفضل أجاهده  
والأهات فيا تناهده  
وسط جرحي ببقى فايق ..  
حتى وقت الضعف سابق  
مين بحقده مش ملاحق  
يتلهي ف نفسه وحاله  
والحسد ما لحب شاله  
حطه جوهر خانات وباله  
ونقصه على أنثاسه طابق ..  
الشده ف لوندا صحيح غامق  
بتحط عليا 100 عائق  
ولكني خلاص بتي متعود  
ان انا ولا على حد اتعود  
وطريقي ساعات لما يحدود  
مبقتش بقف وسط مفارق ..  
وبقى سهل أفارق واتفارق  
من كاس الفرقه بقيت دايق  
اللي بيتمسك ويبقى  
بتمسك برضه عليه ببقى  
واللي مهياش عنده فارقه  
ولا اعاتبه ومشي ولا اتخانق !!!

\*\*\*\*\*

### 13. حكايتنا ♥

لما نتجوز حبيبتى.. هيبقى بيتنا  
جنه فيها انا وانتى.. وفيها حياتنا ♥  
نفتكر كل خروجاتنا.. وقت ماعرفتك وشوفتك  
واما ارتبطنا و خطوبتنا.. لما جيت البيت طلبتك  
واما كُنا بدبلتين واحنا لسه ف بدايتنا ..  
واما جيت ليكي اول مره ورد .  
واما منك كنت مستنى ف رد  
واما شوقنا لسه كان جوهر عينينا  
واما حتى قبل ما نقرب لبعض ..  
واما كنت بيكي مُعجب.. والكلام بيضيع ويهرب  
واما كنتى بتضحكى.. من بعيد قبل اما اقرب  
ولما اول مره فيها نشوف صورتنا ..

### لما نتجوز حبيبتى ♥

والولاد يملوا علينا.. كل ركن فيه بنينا  
بعد ماتعينا وشقيننا.. وشيلنا ياما فوق طاقتنا  
تطبخى الأكل وهساعدك.. وف عمايل الشقه اشاركك  
واغسل المواعين معاكى.. والغسيل اطبقه عنك  
زي طفل اقعد الالعبك.. واقعد انكش فيكى اشاغبك  
واما اضايقك واستفرك.. ترفعيلي قوام حواجبك

ولما اشيلك يوم ولادتك.. وابقى جنبك وابقى ساندك  
لما نقسم كل حاجه.. وابقى كون ملياه سعادتك  
عيد جوازنا وعيد ميلادك.. لما بيهم نحتفل  
وتعمليلى ف عيد ميلادي.. أحلى حاجه بتتعمل  
واما نرقص يوم فرحنا.. وف غرامنا نكون نجحنا  
واما حتى أزعلك وأسفى منك يتقبل  
ياااه حبيبتى ..  
شوفتى قد إيه حلوه حكايتنا  
لما نتجوز حبيبتى.. هيبقى بيتنا  
جنه فيها انا وانتى.. وفيها حياتنا ♡

\*\*\*\*\*



14. ما تسألنیش

ما تسألنیش إيه اتغير  
روح اسأل روحك الأول  
بقيت لُغز و بيحير  
بقيت إنسان تاني اتحول  
ويمكن أيوه ملاحظتش  
بلمح ياما مفهمتش  
ودايماً عادي ومطنش  
بلاش عليا تستهبل ..

بسببك حلوي إقمر  
وبعد ده كله تتبدل  
وانا اللي كنت متضرر  
لكني كنت بستحمل  
كثير ياما ومتعبتش  
مشيت وياك وموقفتش  
قويت بالحب مضعفتش  
خلاص بزياده تاني امثل ..

وعامل روحك الزعلان  
وعايش الدور كمان وكمان  
عليا وعادي أوي قبلان

تغير ف الأمور بالعكس  
يبان وشك بكل حنان  
وتدّي إشاره فيها أمان  
وجواك القساوه الوان  
وفيك قلبك ولا بيحس ..  
تعبت وقلبي متدمر  
ده كل ما تقطع أنا بوصل  
أسف تاني مانيش هصبر  
خلاص ماشي مش هكمل  
ده حتى لوجعي محزنتش  
وسيبب إيديا محسكتش  
ف حبي كثير ه أثبتش  
• جدارتك بيه ومستقل ..  
وقال جاي بتسألني  
بكل بساطه واستفزاز  
وقصدك تاني توجعني  
بجاحه ف قمة الإعجاز  
كأن مشاعري ولا هماك  
ده انا حافظاك أوي وصماك  
يومين تنسى ولحظه معاك  
ولو كملت تكون إنجاز ..  
وشايف الصوره مقلوبه  
وشخصك كله أكذوبه

سالب زړو


تناقضك فيك بيان فجاه  
قديم غشك وملعوبه !

\*\*\*\*\*

15. السمك اللي ف بطني !

والسمك اللي ف بطني دهوت أرويه ازاي  
وأكيد دلوقتي هيصدع محتاج الشاي  
وهسيك واتضايق وامشي وهروح مش جاي  
وان جيتي ف يوم وسألتيني هعمل نساي ..  
ماهو حبك بهدلني وطير كل الابراج  
ف العقل وفعلاً بقى قلبي وحدك محتاج  
وده حب بجد ماهوش لعبه ولا حتى مزاج  
أنا هخلص وارمي قوام روحي تحت التروماي ..  
وهسيك بقى شايله ف ذنبي  
وهموت غضبان عليكي قلبي  
وهتفضلي عايشه ب تعقيده  
علشان مش راضيه تكوني جنبي  
وهتتعبي أكثر وبسببي  
وهتندمي على رفضك طلبي  
وهتبقي ف الفكر شريده  
علشان كان قلبك يوم سلبي  
مرضاش يديني الباسوورد بتاع الوايفاي ..  
طب حتى بلاش كل دهوت  
مش همك إني أكون ميت

سالب زېرو

ولا ثانيه هتفتقدي رخامتي  
وهزاري معاكي لما بغتت ..  
طب حتى ياريت قبل اما امشي تقوليلي بايبي 

\*\*\*\*\*

16. گله نصيب

أنا شايف هواك يا حبيبي  
بعيد جداً  
أنا مش حد متخاذل  
ضعيف أبداً  
أنا مش هقدر اتحمل فراق بعدين  
وبعد اما افرح القاني قوام بحزن ..  
ومش بنهار ولا بعلن ف الاستسلام  
أنا مبقتش يا حبيبي حمل احلام  
ومش عايز هوانا يكون وبس كلام  
أنا مشكلتي تفكيري واقعي ممكن ..  
ومش عايز يكون عشمي  
ف شيء يصبغ ف يوم وهمي  
وقلبي ف لحظه يتجرح  
وفجأه اصحى على ندمي  
والاقيني زايد أمي  
ولا ف حساباني وف علمي  
وافوق مصدوم على غفله  
وحاجه تقولي ضاع حلمي  
ويفضل وجعي ملازمي كده دائماً ..

أنا اتعلمت أكون معقول ف خيالاتي  
و زدت علام مع تجاربي ب خبراتي  
و اكون موزون ف تفكيري وإحساسي  
مانيش لين ولا جامد ولا قاسي  
لكن ف طباعي مثبت على أساسي  
عشان معانيش وما اتألمش ف حياتي ..  
وكله نصيب ومره تصيب ومره تخب  
مشيت وهغيب يا أغلى حبيب  
وهستحمل آلام فرقه ونار حرقه  
بتكوينني ف جدار قلبي من التعذيب !

\*\*\*\*\*

17. باختصار !

باختصار وإيجاز شديد  
كنت طفل كثير يبسكت  
عن الناس دائماً بعيد  
بعقله فيه بيهرى وينكت  
مهما قرب برضه وحده  
حتى لما كبرت شرحه  
شخص دمه وسط فرحه  
والدماغ ناشفه وعنيد ..

حتى لما كنت بلعب  
كنت بتنافس معايا  
كنت اروح واجري استخبى  
وافضل الاعبني استغمايه  
ولما بهزمني أطبطب  
واقعد اهاودني وبقرب  
جوه مني بتوه وبهرب  
كنت برتاحلي ف بكايا ..

ولما يبقى النوم غالبني  
والنعاس ييجي يحاوطني  
واقعد اتأوب واقاوح  
ويبقى فكري فيا سارج  
فجأه تغلبني الجوارح



ويبقى نبضي اللي تاعبني ..  
ولما احس بوحده قاتله  
وحزن فيا كثير آسرنى  
وروحى بتسلّم وقابله  
لأي ظرف بسيط كائبنى  
أبكي واجي قوام حاضني  
وطفل فيا يقوم ضاممني  
واقعد احكيلى حكايات  
كلها من ماضي فات  
سرد ألبوم ذكريات  
لحد م النوم يبقى شاددى ..

ومهما دار فيا الصراع  
أو حذف بيا الشرع  
لسه واحد ف الطباع  
متقلبتش شيء جديد  
مهما تتغير ظروفى  
عمر ما بيحبسنى خوفى  
فيا خجلي أو كسوفى  
شيء بيجرى ف الوريد ..

ولا لحظه بطل تفكير  
جوه عقلي نزع خطير  
فيا مش بيموت ضمير  
حتى ف الإصرار بزید  
طیبتی فیها براءه صافیه  
وروحی واخده الضحكه عافیه  
من كل دول لو حاجه كافیه  
تخلي قلبي يعيش سعيد ..  
باختصار وإيجاز شديد !!!

\*\*\*\*\*

## 18. حصرو لي مشاكلي

حصرو لي مشاكلي ونسيوا اني.. مشكلتي الأكبر مش سني  
مش بس اتجوز واتجهز.. انا نفسي ف حد يفهمني  
حد يكون ضهري يشيل عني.. بيحبني وقريب مني  
يحميني ويكون نور عيني.. مالاقيش فيه حواجز تمنعني ..

يحكي لي يقرب يصارحني.. يداويني ولا يوم يجرحني  
ويحس آلامي وأنيني.. ويكون همه انه يفرحني  
على حب وفرحه يواعدني.. مش بس يسيطر يعاندني  
وف نن عيونه يخبيني.. يوعدني انه مش هيخوني ..

بكل عيوي يتقبلني.. لما اتضايق يتحملني  
وف عز الضعف يقويني.. مايسينيش وحدي ويبعدني  
وف وسط الحزن يضحكني.. وينسيني كل اللي جارحني  
من غير مقصد وبعفويه.. واملك قلبه وبه ياسرني ..

أنا جاز فعلاً اكون بحلم.. أو حتى على محال بتكلم  
لكن دي حقيقه وأمنيه.. مش هضعف فيها ولا استسلم  
أنا نفسي ولادي يكونوا شبهه.. بطعامته وطيبته وبراءته  
واحكيلهم واتكلم عنه.. وحكايتي تكون هيا حكايته ..

وابص فعينهم اشوف الحب.. اللي ماينا ومليان بيه القلب  
الحب ده عمره ماكان يوم ذنب.. بنشوف سعادتنا فمرايته !

\*\*\*\*\*

19. ساعات !

وساعات بتضايق أكون مخنوق  
واتخض واقول انا لازم أفوق  
م الوحده ومن بحر كآبتي  
واتغير واخرج من حالي  
واتعود اجمد ف إرادتي  
علشان ماضعفش ل ولا مخلوق ..  
وبواسي ف روعي وليها اعاتب  
واكتب 100 كلمه ارجع شاطب  
مانا قلبي رصاص دائماً ف خلاص  
مقصوف بيريه ويزيد إحساس  
وياه بتروح ضيقه الأنفاس  
وتزيد لما يكون يوم غايب ..  
وساعات بضحك على وجعي بخوف  
وبقوم افتح ف الباب ملهوف  
مستني ف أي سؤال عني  
أو حد يزورني ويحضني  
أو كلمه تجيني تطمني  
يتفك معاها حزني المكتوف ..  
وساعات اتصبر واتحرر وانوي اتغير  
وساعات يتكرر ف حياتي حلو يمرر  
وساعات اتقيد واتكلبش

وساعات أحلامي بتتفرّكش  
وساعات ف الضلمه اقعد اضبش  
يمكن الاقي اللي يخلي حياتي تنور ..

وساعات تعابيري بتعجبني  
ودموعي عليها بتغلبني  
تمتص آلامي واطلّعها  
ف حروفها آهات انا بسمعها  
ماهي أصل خيوط انا بجمعها  
وضميري بخوفي يأنبني ..

وساعات ادخل فيلم رومانسي  
واقعد أتحسّر على نفسي  
على كل مشاعري وإخلاصي  
واتنهد بآهات أنفاسي  
واقفل بالضبه ف ترباسي  
على كل اللي إنا حاسه ف ياسي ..

وساعات بتغرب اتوه مني  
معرفش انا حتى إيه واجعني  
والفكر ياخدني ف دوامه  
وف لطشه وكام خدش علامه  
بضطر أفوق مغصوب ياما  
من لذّة حلمي اللي مالكني ..

وساعات بلقي الحزن مفاجاً  
بيجيني ف سهوه وبتفاجأ

واحتاج اتوئس ب اطمئنان  
علشان يتحول خوفي امان  
وبدور لو على أي مكان  
فيه حزني يخف واكون رايقي ..  
وساعات بلقاني اكون مضغوط  
مش عارف اكون لو يوم مبسوط  
ومشاكلي بيتكاتروا عليا  
ويزيدوا الدمعات ف عينا .  
وف سجلي بحس بحريه  
لو حتى ورا القضبان محطوط ..  
وساعات م الصدمه ولا بعيط  
ولا حتى اتكلم ولا افضفض  
وبتنح واسرح واتغرب  
وابعد عن كل اللي يقرب  
ولا حتى بواجه ولا بهرب  
ومناعتي بتضعف أوي و امرض ..  
وساعات بضحك ضحكه شقيه  
وأحاول اقلبها لأغنيه  
يمكن ف غناها أمل هایل  
وكلامها يخليني متفاءل  
أو ابطل اكون ف هموم شایل  
واتعامل من غير حساسيه ☺

\*\*\*\*\*

20. بتنعيني !!؟

بتنعيني وانا صغير  
يا بلدي ليه يموت فيكي  
ولا حاجه بتتغير !!؟  
دفعت الدم ومكفّاش  
وراح عمري ف لحظه بلاش  
قتلوني فيكي الأوباش  
وحتى الموت ولا يآثر ..  
دفنتيني وانا صاحي  
بدمي وحزني وجراحي  
وراح تعبني وبكفّاحي  
مفيش ولا قيد بيتحرر ..  
ولما انزل يقولوا عميل  
ولما اسكت يقولوا عويل  
تعبت خلاص من التمثيل  
محدّش لحظه بيفكر ..  
ده ساء حالي من الأحوال  
حواليكي نفاق وضلال  
خدل جسمي من الأغلال  
معدش كثير اللي بيقدر ..

لا انا مرتاح وانا عايش  
ولا بهوتي هترتاحي  
وما ارتاحتش على الهامش  
عشان كترت فيكي جراحي  
تدي الي خالك وتاخدي مني  
تحمي الي هالك واديكي نني  
وتهينيني وتقولي غصب عني  
وتكسريلي جناحي ..

حايين سكوتهم  
نحكي يقولوا لاء اسكتوا  
علشان بنفهم  
نسكت يقولوا اتكلموا  
الأرض طرحت م القسيه فروع  
والشوك بقى في القلوب مزروع  
والفساد بقى شجره ليها جزوع  
والنفوس خلاص ادمروا !!!

\*\*\*\*\*



21. أعذرهما !

لما تقولك احنا اخوات  
يمكن بتطمن خوفها  
أصلها جواها حاجات  
م الصعب انك تعرفها  
مش سهل تعيد حساباتها  
وتغير تاني حياتها  
لازم تنسى اللي فاتها  
بوعود إوعاك تخلفها ..  
والكل خلاص بقى يطمع  
وبيجرح سهل ويوقع  
يتسلّى ويكذب يخدع  
لازم تفهم واعذرهما  
يتدحلب بإسم الحب  
وبيكسر فرح القلب  
والعشق يكون الذنب  
وآلام عايشه ف تفكيرها ..  
طمنها ورجع فيها  
الثقه ليها وحواليها  
ولما هتديك ف أمانها  
م السهل تجيب ف آخرها

وساعتها هتَعْجَب بِيك  
وهتَكْبِر أوي ف عينيها  
علشان وثقت أوي فيك  
ومسيبتش لحظه إيديها ..

\*\*\*\*\*

22. علشان تنساني

وان سألوك عني ماتردش  
وان جاتلك غيري ماتصدش  
أنا ماشيه وسايباك يا حبيبي  
أنا روحي معاك لسه مموتش ..

ان كنت بجسمي هكون غايه  
بس انا وياك وهقف جنبك  
مش هقدر أبداً اكون سايبه  
روحك ومشاعرك أو قلبك ..

طب غمض لو لحظه عيونك  
هتشوفني وهاجي وتلقاني  
أنا عارفه حبيبي الله ف عونك  
لو غصب من الفرقه تعاني ..

لو دمعك ينزل أنا هبكي  
كلمني وفضفض أو إشكي  
بس انا مش عايزاك يوم تحكي  
عننا علشان يوم تنساني !!!

\*\*\*\*\*

23. غوايش

إسوره وحبّة غوايش  
حبك اكسسوار وظاهر  
رغم بُعدك اديني عايش  
والزمن بيلف دايّر ..  
داين تدان كله بأوان  
كله متخبي ف زمان  
حتى لو كان ف النسيان  
كله مردود ع اللي جاير ..  
بره منك شكل يخدع  
فالصوبس وحاجه تلمع  
جوه منك غدر يوجع  
سم محطوط ف الخناجر ..  
مكسب اتي بعدت عنك  
قبل ما ابقى صوره منك  
قلب من قسوه وحجاره  
ينسى خير بجحوده ناكر ..  
ألف طبع وألف وش  
كدب جوه النفس غش  
ألف شكر وماتحرمش  
درسك أهه خلاني صابر !

\*\*\*\*\*

24. يفوت طيفك

يفوت طيفك تجيني خضه  
واعض فشفتي عضه  
عشان رافضاني وبعاني  
ومليون حاجه مانعاني .  
ومهما انده وسامعاني  
ف حبي تعاندي ومعارضه  
بكون راخي تكوني شاده  
وكل حاجه فيها جاده  
بجد بقيتي تاعباني  
ف قلبي نغزه واجعاني  
وف التفكير ليه سايباني ؟  
أهاتي وحبي ليه رافضه  
بشوفك لما بتعدي  
ف كل مافيا بتشدي  
وبتحسر وانا لوحدي  
واقول لنفسي ليه جامده ؟  
وبقعد اندب ف حظوظي  
وافك الشفره ف رموزي  
مانا بفضل كثير ابرطم  
عائش وياكي ف مطارده

وفاكره لما انا قابلتك  
ف أول مره وقفتك  
وقولت وزيدت وحكيتك  
على اللي ف قلبي وبحسه

قلعتي ساعتها نظارتك  
رسمتي قوام ف تكشيرتك  
وحذرتيني اجيب سيرتك  
جمد جسمي وضاع نفسه

نشف دمي وبصتلك  
وراح تركيزي من فعلك  
وقف قلبي وراح نبضه  
ونفسي فضلت انا حابسه

جيت اتكلم قاطعتيني  
مشيتي ساعتها سيبتيني  
ومن يومها تعبتيني  
ف شوق ومحايله ومناهده

دخلت مع روعي تحدي  
عملت حاجات كثير ليكي  
ولسه برضه بتصدي  
ومش لمحاني بعينيكي

وبتمنى لو اثبتلك  
واخذ فرصه وأعملك

سالب زيرو

ولو حاجه توصلك  
حنين شوقي وخوفي عليكى ♡

\*\*\*\*\*

## 25. في كلام !

في كلام بيجيلك متأخر  
وياريتة من قبل ومتبدر  
وكلام تستناه يتأخر  
وكلام ب الوقت بيتغير ..  
وكلام ميغيش ويفوت وقته  
وكلام وقت اما بتيجي ساعته  
بيموت لكن تفضل ريحته  
شغلاك عمال فيها تفكر ..  
وكلام صح وتوقيتة خاطيء  
وكلام مبتقاش بيه ناطق  
بس اما بييجي بقى ميعاده  
تلقاك ساكت وجعك أكبر ..  
وكلام ميكونش ف حساباتك  
تلاقيه طالع كده تلقائي  
وكلام تختصروا ف ضحكاتك  
وكلام ترتجله وإنشائي ..  
وكلام توقيتة بييجي سليم  
لكن مش صح ووقته عقيم  
وكلام من غير ولا سين أو جيم  
يتقال وحروفه بتتبعتر ..



وكلام بالصمت بيتزين  
وبرغم سكوتك يبين  
بلامحك فاضح حكاياتك  
بيعرف عنك ويعبر !!!

\*\*\*\*\*

26. أنا مش جبان !

أنا مش جبان  
و لا مره شوقي ضلك  
أنا إنسان  
يختار يموت ولا مره فيها يخذلك  
حبك قيمته عندي عاليه  
درجة حبي ليكي عاليه  
عمري حتى ما اقبل ثانيه  
لو يوم معايا أبهدلك  
ده انا عندي اموت ولا مره فيها أخذلك ..  
أنا يوم معايا ويوم معايش  
لكني بتحمل وبعيش  
ما املكش غير نفسي وقلبي  
غير راحة البال والحب مفيش ..  
أنا عايزك جنبي ماتتعبيش  
وعليكي عشاني ماتتحامليش  
وبخاف أحوالي تقطمنا  
و ف يوم ليا انتي ماتبقيش ..  
وأقول لروحي ماتحبيش  
وعشان خاطري ليها ماتحنيش  
والقى دقاقي تزلزلني

واتشال واتحط وتغلبني  
ودماغي حتى بتخذلني وما اتعقلنيش ..  
وارجع مشتاق واجري عليكي  
وأضم وأحضن ف إيديكي  
والقاني متعلق أوي بيكي  
وعليا لثانيه مابتھونيش ..  
وانتي تقربي ماتبعديش  
ومفیش مره فيها مالتكيش  
أول واحده تضم جراحی  
تداويني إيديها متجرحنیش ..  
أنا مش بتهرب واتحجج أبدأ ب ظروف  
أنا قلبي عليكي بيتقطع ميت م الخوف  
بصراحه أوقات ببقى انا مكسوف  
بعد قلبي وما اكلمكيش ..  
وبقول لنفسي تتلگك  
وع البعد أصمم واتمسك  
وف ثانيه كله بيتدربك  
وعیوني قدامك مابتحكیش ..  
مكذبش عليكي وما اخبیش  
أنا مش هقدر من غيرك اعیش  
لو كنت بقولك يوم امشي  
معناها ياريت اه ماتسبنیش ♡

\*\*\*\*\*

27. حل مؤقت !

مع إنك محتاج تتكلم

بس بتسكت

مع إنك جوّه بتتأم

عادي تنكّت

بتبان انك متفاءل

وجواك مُحبط

وساعات بتقرر تتكلم

وبتتلخبط

وبرغم انك مش متفرز

بس بتشخط

وبتنوى تداري ف أحاسيسك

مهما تخبط

وف قلبك 100 صرخه وكاتم

وقنوع ف حياتك مش ناقم

والصمت ف طبعك مش دايم

مش متظبط

ومكبر لكل وفاهم

وبتستعبط

بتهرج ب الضحك وقلبك

فيك بيعيط

متحمل حزنك وهمومك

مهما بتضغط

بتسد اخرام السليبه  
مهما تنقّط  
بتحاول تلقى ف أوجاعك  
حل مؤقت  
وعزيمتك وإرادتك جامده  
ولا بتهبط  
وبرغم انك حاسس وحده  
بس بتبعد  
مع انك متباع من واحده  
برضه بتعند  
وف وقت ما تقبل تتغير  
برضه بترفض  
علشان ناوي انك توصل  
مهما هتخبط  
ف صعودك بتلاقي صعوبه  
عكس ماتهبط  
متعلق بطموح الفرحة  
وفيه متشعبط  
وحنين دائماً على نفسك  
مش مُتسلط !

\*\*\*\*\*

28. ليها سُمعه !!!

ماشتكتش لحد منها.. وماستباحثش عرضها  
عمري ما ارضى بكلمه عنها.. ولا أي حاجة ف حقها  
ولما بوصف منها ألمي.. أو مواجهي أو مظالمي  
مش بشوه صورہ ليها.. ولا حتى بيقى ف صفها  
بس ماانكرش القسيه.. وان ياما جت عليا  
حجم ألمي وجرحي فيا.. من شكوكها وظنها

من بعاد

من مرارة هجر زاد

من فراغ الابتعاد

عن دفاها وحضنها

من دموع

واستحالة الرجوع

نار و قايدة ف الضلوع

ضعف قوه ف سرها

كان ماينا عيش وملح.. حبه حزن وحبه فرح  
مافتكرش بس جرح.. حاجة حلوه ف مرها

اللي بينا مش ملام.. أو عتاب أو كوم كلام  
حرب ولا كان سلام.. حاجة كاتمه نفسها

بير مايقبلش بعكاره.. ليل وسره للسهارى  
حب وهمه للحيارى.. عوم سفينه ف بحرها

شمس طالعه ف كام شعاع.. 100 لقي جوّه الوداع  
كيميا مش مفهوم لغتها.. رحله مش معروف آخرها  
قصه فيها مستخبي لغزها

مش عايز حد يجيب سيره.. عنها حتى ف أي وقت  
مهما كان كانت حبيتي.. ليها سمعه ف كل وقت

عمري ما أشكي منها أبداً غير لنفسي  
م اللي نابني منها ف الإحباط ويأسي  
ع اللي كانت فيه ودايماً ماشيه عكسي  
رغم وجعي عمري ما ابقى ضدها !

\*\*\*\*\*

29. طز !

عادي.. طز ف أي حاجة مزعلاني  
مش بسيب حاجة وبرجع ليها تاني  
واللي يغدر برضه عادي  
واللي ينسى برضه عادي  
واللي يمشي وفجأة يرجع  
كُله عادي  
عُمر شيء ف الكون ما هيعوض حناني ..  
تضحياتي ونيتي وفيهم براءتي  
صدقي وصراحتي وفيهم جرائتي  
عفويتي وتلقائيتي والحس جوه كلمتي  
والطيابه ف نظرتي فيها المعاني  
عادي.. برضه طز ف أي حاجة معكنا ..  
أصل الفراق بيتولد مكتوب لقي  
وبعد اللقي تصبح قلوب متمزقه  
جوه القلوب بيكون نصيها ف الشقا  
وإن كملت مقسوملها تفضل تعاني ..  
كان مين حياته انتهت لحظة وداع ؟  
ولأ انتحر لما اكتشف لؤم وخداع  
مين اشترى ومين اللي صان مين اللي باع ؟  
والعشره بيبينها موقف و ف ثواني ..  
عادي.. برضه طز ف أي حاجة منكداني ..



فجأه ومفاجأه تخُضني وبدون سوابق  
وانزل واطب ف بحرهما والقاني غارق  
ولما بوعى وبكتشف نفسي ف مفارق  
اشتري خاطري بخاطر من أذاني ..

أجري وأشخص حالتي واكتبلي الدوا  
أول مسكن فيه بعادي عن الهوا  
والمضاد وحده ف روشته وخافض سوا  
يمكن أقل بعدها ف درجة جناني ..

أيوه عندي الحب تفسيره الجنان  
طفل بيحاكي الخيال طالق العنان  
بسرعه يكبر يلقي نفسه ف واقع كمان  
ويعيش صراع مزدوج نفساني ..

وامشي ف علاجي يومين وبرضه ارجع مريض  
والقى حالتي بعدها ساءت ونزلت ف الحضيض  
واحس إحساس اللي بتعامل معاهم ليه بغيض ؟  
باختصار الحب أمرضني وداواني ..

أصل كلمة عادي دي فيها المزيج  
بين الوجع ولا الألم ب التدريج  
وساعات اقولها وسط الهزار والتهريج  
أسهل حروف قالها ونطق بيها لساني  
عادي.. طز فأى حاجه مزعلاني !!!

\*\*\*\*\*

30. لساي ؟؟؟

حصلت ظروف  
وبعدت عنك وافترقنا  
فرقنا خوف  
ومشينا والوقت سرقنا  
ومماتش حبك  
وواثق انه مماتش شوقنا ..  
وجيتي ف بالي كلمتك  
ولما رديتي عليا  
قوام زارني خيال صورتك  
وقولت زي ما هيا ؟  
سألت روعي وسألتك !  
لساي فقلبك حنيه ؟  
ودموعك تنزل ب النيه  
وجميله مشاعرك ورقيقه  
لساي بسيطه وعفويه ؟  
لساي ف روك شفافه ؟  
وطباعك كلها متشافه  
وبرائتك بتعم ملامحك  
ووراها بكسوف متخبيه ..

لساكي بتسامحي وبتعدي ؟  
وتقيله ودايماً بتصدي  
ولا قلبك بيميل ب الساهل  
ودماغك ناشفه وبتعاندي

لساكي ب العقل بتتعامللي ؟  
وعلى روحك تيجي وتتعاملي  
وبترضي ف كل اللي يحاوطك  
لساكي بزوقك بتجاملي ؟

لساكي دموعك بتغالبك ؟  
والعقل بيخسر من قلبك  
متسرعه جداً مندفعه  
وبتزعلي من أول دمعته  
لكن ببساطه تقومي راجعه  
لما اللي مضايقت بيعاتبك 😊

لساكي !!؟

\*\*\*\*\*

### 31. أخاف لحظة !

لا انا اللي غريب ولا قُريب  
وما عرفتش  
غير اني أكون واحد مشتاق  
بداري الدمع ف عينيا بحور أشواق  
لا انا عارف أكون أقرب  
ولا أبعد أو اتغرب  
وقلبي يا عيني مستغرب  
وخايف لحظة تقوليها خلاص يافراق ..

بحس بحبي ليكي محسوس  
لكني بعيد ومش ملموس  
خيال طيفي بهوا لامحك  
راسم حلمه ليكي مخصوص

ف لحظة قربي باعداني  
وبوجودي مواعداني  
ف عز القرب ببقى بعيد  
وموج بحرك بيملاني

يزيد البعد أزيد أشواق  
وأخاف لحظة تقوليها  
خلاص يافراق ..

ده انا مقدرش اشوف غيرك  
أسير حبك أنا طيرك  
أنا عاشق أنا متيم  
وواقع تحت تأثيرك

أنا زادك أنا قوتك  
أنا الشعلة ل جبروتك  
أنا مارد هوا قلبك  
أنا القوه ف صدا صوتك

أنا المينا على شطوطك  
أنا همسك أنا سكوتك  
أنا شرّاع سفن حربك  
أنا فارسك أنا سيوفك

أنا الهايم على بحورك  
أنا الحرية ل طيورك  
أنا بطلك .. أنا مغوارك  
أنا الحارس على سورك

أنا بدايتك وانا نهايتك  
أنا القصه أنا حكايتك  
أنا التفاصيل ف شخصيتك  
أنا البسمه ف ضحكائك

أنا النبره ف صدى صوتك  
أنا صورتك وانا مرايتك

أنا من قلبي حبيتك  
أنا اللي ف روجي خبيتك  
أنا وطنك .. أنا بيتك  
أنا اللي بحكي حدوتك

أنا اللي بروحي أفديكي  
واخاف م الهوا عليكي  
أصارع الموج ف عينيكي  
وتدفي بردي شمسايك

أنا منك ومش بتمرد  
ده حضنك تلج بيبرد  
نيران شوقي كل ما بتقيد  
بقوم انفضها و اتجرد

أبيع عمري عشان خاطرك  
أغامر اتحدى مخاطرك  
أنا قابل بكل شروطك  
ولو يجمعني بيكي نصيب  
و اكون قدرك !

أعيش ملكك أكون طوعك  
أكون مسؤول حامي قلوغك  
أكون حصنك  
ووقت الشده أنا ملاذك  
واقيد الضي ل شموغك

هكون لحن ل نشيد وطنك  
هكون سندر هكون ضهر  
هبيص ل جوهر مكنونك  
وعمري ما ابص ل مظاهرك  
وكل ما زاد البعد.. ازيد اشواق  
لكني بخاف ل يوم لحظه تقوليها  
خلاص يافراق ..

بكون جنبك أنا آمن  
بشوفك بيت انا ساكن  
حيطانه وكل أركانه  
بنيته بكل جدرانه  
فراقه عليا مش هين  
يا مالكة الروح وسحراني  
ل عالم ثاني وخداني  
حبك كيان  
ملا الشريان  
بقيتي كل أوطاني

يا عمري وكل دنيايا  
يا شمسي وقمري وهوايا  
يا قصة حب أسطوره  
هتفضل عايشة جوايا  
ف قلبي تملي ساكتاني

وآآآآه لو بس تدينى  
ولو فرصه اكون جنبك  
هتحيينى  
تقوينى  
وتستقوى كمان بيا  
بشوقى وحبى وحنينى  
أنا حبي جبل بركان  
عواصف شوق ونهر طوفان  
مشاعري سيل بقوة تزيل  
حواجز الخوف تعدى ظروف  
تكون فيضان  
ده حبك نار بتكوينى  
أمنت بحظي واتغير على إيديكى  
وبحمد ربنا عليكى  
عشان خلانى يوم اقابلك  
وجمعني بصدفه يوم بيكى  
وكل ما زاد البعد أزيد أشواق ..  
لكنني بخاف تقوليها خلاص يافراق !!؟

\*\*\*\*\*



32. إنت مالك !!!

إنت مالك لابسه ضيق ولا واسع ؟  
ليه بعينك نظره تنزل سم واجع ؟  
ليه تحاول بس تلمس حاجه منها ؟  
بتعاكسها ب البجاحه ف الشوارع

فين رجولتك لما تشطر عليها  
تأذي فيها بدل ما تبقى انت حاميها  
ليه بسقالتك بتضايقها وبترازيها ؟  
كل ما بتحب تنزل تلقى مانع

ليه تبصلها انها زي الفريسه ؟  
ولا حاجه ضعيفه جداً أو رخيصه  
ليه مشاعرك فيك تموت وماهيش حسيه ؟  
و الغريزه تبقى مذلول ليها راع

يعني هوه ده خلاص أقصى طموحك  
هل هتبقى بعدها ريحت روحك ؟  
لو كان ضميرك مات خلاص مش ذنبها  
أو نقصك اللي بيتعبك وكمان جروحك  
مش فبالك انها ممكن ف يوم تترد لاختك  
أو حبيبتك صاحبك أو حتى أمك

ولا خلاص مش همك انت غير النهارده  
وشيلت بكره من حسابك واهه كله عملك

مش عشان المجتمع بيصلك على إنك اقوى  
تقوم تفكر انك حاكمها و تتغر تقوى  
وتموت شهامتك نخوتك وكل المروء  
رغم إن الفرق مش بينكم كبير ولا حتى شاسع

ليه تبرر وتتهمها ب الغلط ؟  
وتقول كلام نُصّه خرافه أو عبط  
كل واحد حر أصلاً مفترض  
علشان مايحصلش ف أمورنا مختلط

ب الطريقه دي لا يمكن تكون طبيعي  
إنت مش ممكن تكون موزون وعادي  
بنصحك تروح وتكشف.. دي حاجه تكسف  
عشان محدش بيك هيبقى ف مره راضي ..  
ودي الحقيقه وأمر واقع

إنت مالك لابسه ضيق ولا واسع !!؟

\*\*\*\*\*

### 33. معرفش اتمكيچ !

أنا يمكن معرفش اتمكيچ  
أو اغير صوتي وفيه أمكسج  
مش بعرف اكون حاجه خياليه  
أو بالنسبالك وهميه  
أنا بنت بسيطه وعفويه  
مش دور كومبارس انا ولا مخرج ..

أنا بطله لفيلم بتألفي  
بتحضر وانا طبعي ريفي  
ومقبلش يكون دوري ثاني  
رغم ان انا مش حد أناني  
مش عارفه اتغير وبعاني  
أنا طبعي ماهوش شيء تكليفي ..

أنا ف الشتاء بارده وتلاجه  
أنا ف الصيف حاميّه ووهاجه  
أنا أبيض يا اسود متحدد  
مش حد ملون متردد  
ومناخي ربيعي ومتجدد  
وربنا يكفيك شر خريفي ..

معرفش اتسهوك واتمايع  
او احور واكذب واتلاوع  
وصراحتي بتعملي مشاكل  
علشان مش بعرف يوم اجامل  
أو اعدّي وافوت واتعامل  
وانا حاسه ب ضيقه ومواجه ..

ولا يمكن اسيب يوم شعري  
أو ألبس حاجه بشيء جبري  
أو انزل قصه ف تحجيبه  
أو اقصر أو اطول جيبه  
أو أرضي أكون أي حبيبته  
أو ارخص من نفسي ف نظري ..

ولا حتى اتعايق ب ظوافري  
علشان أبقالك شيء عصري  
أنا مش صيده وحتة لحمه  
ولا بعمل حاجه ف العتمه  
هتقل معايا هروح لكمه .  
وشك باقلام فجأه ودوغري ..

أنا زي مايبقى شيء واضح  
متحدد على وشه ملامح  
زي مايبقى جوه ف قلبي  
ولايمكن يوم اغش ف حبي

أو اعلّق حد بشوق جنبي  
أو مره أكونك شيء جارح ..  
وبحط ف كل سطوري نقطه  
ومجهزه أدواتي ف شنطه  
علشان مابقاش غيري محووجه  
مجنونه بعقل وممزوجه  
ف جرائتي خجوله ومحروجه  
أنا بنت بدرجات متفاوتة ☺

\*\*\*\*\*

### 34. نظرة غريبه !

نظرة غريبه بتنهشك.. والعطف فجأه بيدهشك  
سمعوا الحكايه اتأثروا.. أول ماتحكي يقصروا  
من تحت فيك بيكسروا.. بكلام بقسوه تفشفشك

كل الأيادي تخربشك.. وتلاقي حزنك مششك  
على كل غلطه يبرروا.. مع وقت مر اتغيروا  
وكل البيان اتسكروا.. والصدمه فيك بتوشوشك

بتلاقي حشك غششك.. جوه الصدف بيكرمشك  
بيقولك ابعد وانطوي.. واوعاك تسلم كون قوي  
والجرح جواك يستوي.. عن أي حد يكشكشك

وتلاقي قلبك ينكشك.. ويقولك ارجع ل اعكشك  
قرب ماتبعدش لبعيد.. وتعيش بحزنك ليه وحيد ؟  
واياك تسلم كون عنيد.. مسير الحزن يطنشك ☺

\*\*\*\*\*

35. مش عیب مُزمن !

لو عملتلي الأكل وفجأه طلع محروق  
برضه انا هاكله ومن عمايلها مصمم ادوق  
لو مش عارفه أصول الطبخ ده مش عيب مُزمن  
هفضل احبها واستحملها ده شيء عادي ممكن  
واهه نتعلم من بعضينا وكفايه بيتنا مليون بينا  
هفضل اعامل فيها برضه برقه وزوق ..

لو يوم جابت ليا الشاي وقام مدلوق  
مش هتعصب منها واحس ان انا مخنوق  
حمسك إيدها واقولها عنك  
أخذت كُل الشر وارحت  
اللي هاممني بس سلامتك  
مش هستحمل لو يوم ضاعت  
إنتي الحب اللي انا علشانه بقيت مخلوق ..

لو يوم فجأه وغصبن عني طبق اتكسر  
أو كبايه وقعت مني هلم واقصر  
ليها هتأسف مش هتفلسف لازم تعرف  
إني بخاف على كل حاجتنا وليها بقدر  
وان انا عمري ما اكون يوم أبداً بيها مُستهتر  
وان انا بزعل أوي زيها ويمكن أكثر

لو خاصمتني وزعلت مني هحاييل فيها  
هجري عليها واخدها ف حضني ومش هتغير ..

لو يوم هغلط مش هجادلها  
لو هتزعق عادي هسمعها  
جوه عينيها هبص وهسكت  
مهما هتعمل مش همنعها ..

قبل مانقسم لقمه هنقسم كل همومنا  
وكل مايوم هيعدي هي فضل زايد شوقنا  
الي مابينا روح وتواؤم .. ألف تفاهم  
حب وجنه فيها عشقنا ودوبنا غرقنا ..

مهما هيحصل عمري مشاكلي ما يوم تلهيني  
أو هتاثر أو هتفرق بينها وبينني  
كل ضغوطنا هتقربنا مش تبعدنا  
هفضل شايل ليها ف قلبي كل حيني ..

هيا حبييتي ونصي الثاني  
وملكة عمري وكل زماني  
وكفايه بس وجودها جنبي  
هيو نسني ويحقلي كل آمالي ♡

\*\*\*\*\*



36. لسه على قيد الحياه !

ما تخافوش  
أنا لسه على قيد الحياه  
مبتغاكم مني موصلش ل مناه  
أيوه حبيب اني اسكت  
جوه بحر من الألم  
يمكن حزين أو حتى محبط  
بس بعزف ع النغم  
اللي مشدودله ومعاه ..

نغم الشجن  
من وحده كانت يوم تمن  
ل نيه صافيه ع العلى  
أصلي ما اعرفش الخباثه والنفاق  
معرفش اكون جاحد وناكر أو حتى عاق  
أكثر ما بملك .. الأخلاق  
هيا سلاحى ع الزمن وفي الحياه ..  
أنا لسه على قيد الحياه !!!

ماتخذلوش قلبى وتستنوا السؤال  
وماتخافوش انا قلبى عمره ماكان شيال  
أيوه بسامح بس مش بنسى  
أصل انا ذاكرتى ب الهمسه  
والألم مش سهل ف القسوه

أصلها بتخيب عليها كثير آمال  
والأمل لما يموت يضيع هواه  
والهوا إحساس يغيب لو لحظه تاه  
بتتوه معاه أحاسيس كثير  
بنلاقي روحنا حد غير  
حد عجز م الكلام وشاب .. كبير  
بيلاقي شجنه حتى فايح من غناه ..  
لكنه.. لسه على قيد الحياه !!!

وانكساره مش نهايه  
والطريق لسه ف بدايه  
لساها طويله الحكايه  
واستفاد م اللي عاناه  
بُعدي عنكوا ف حد ذاته ده غنيمه  
وقربي منكوا ده اللي نزل مني قيمه  
مرتاح كده والعزله فيها حاجات عظيمه  
خلتني اعلم نفسي إزاي النجاه ..

حياتي ملكي بأمرني وانهي  
وبقيت ف همي وبس ملهي  
انا مش عتية ولا حتى سقهي  
لكنني مقتول الأمل وانتوا الجناه ..

متفكروش ان الغياب م الانهزام  
أو انهيار فتافيت حطام  
ومش سقام أو موت زؤام  
أنا لسه مطلعيش شهادة وفاه ..  
أنا لسه على قيد الحياه !!!

\*\*\*\*\*

37. حُب و عداوه !!!

والصداقه تنتهي وقت أما تتحول مشاعر  
والعلاقه تبقى حب مكسور الخواطر  
ويومها يحصل شرح وتزيد المسافه  
وهيا دي العله وفيها ألف آفه  
حاجه صعب تبقى يوم متشافه  
وكل واحد بعدها بيبقى ع البعد قادر  
حد ينسى وحد يفضل برضه فاكر  
حد يبقى الحب عنده ف لحظه عابر  
بيبقى طبعه زاد قساوه  
وحد حب بجد وازداد ف الغلاوه  
كل حاجه بتتقلب كره وعداوه  
بعد أما كانت حاجه جامده فراقها نادر  
زي بحر موجه غادر  
مالوش بوادر  
يبقى هادي وفجأه تملاه العواصف  
ريحه خاطف  
بيقضي على كل العواطف  
إستحاله حد يقدر فيه يجذف أو يعافر

حرب من غير العتاد  
تجتاح مدن جوه البلاد  
تقضي فيها ع الحياه  
مفيهاش نجاه  
ولا ليها بوصله أو اتجاه  
كلها صحرا وبعاد

ملهاش حصون ولا حتى ساتر  
والنزاع فيها مجهول المصادر  
والغلط فيها ب فوره  
والقرار مفيهوش مشوره  
والنزيف زي النافوره  
مش بيتوقف قتاله غير ع المقابر !!!

\*\*\*\*\*

38. ملبوسه !

ملبوسه بجن و كام عفريت.. خياليه وبتحب الحواديت  
يوم تقسى ولحظات تهوى.. وتقول ف ثواني نسيت  
بتجدد من علاقاتها.. بتسقط من حساباتها  
مقلوبه ف كل حياتها.. مش راكزه وبتحب التنطيط  
مليانه اكوام تعقيد.. وسرايها قريب وبعيد  
وهم ومليان ب الفرقه.. عقلها بمرضاها عنيد  
لعيبه وبتقول هاديه.. متمرده وتبان راضيه  
ما بيعجبهاش غير روحها.. مشغوله وتعمل فاضيه  
إزدواجيه ومتناقضه.. دائماً ف الضد معارضه  
عقرب ب اللدغه بيلسع.. تقبل بحاجات ليها رافضه  
تتكلم تسمع ليها.. وتلم الكل عليها  
بتحب تكون مانىكان.. وتشوف نظرات حوالىها  
دي عروسة شمع محجر.. ومخار بسواد متحجر  
ودهب قشره ومتزيف.. مفعولها قوام بيخدر  
مزاجيه بكيف متقلب.. ومجادله ودايماً تتعب  
واما بتتواجه تنكر.. وقوام م الزنقه بتهرب

أصلها في المكر مهاره.. ترمي ب غمزة سناره  
واما تقرب لهزيمة.. تنهي الماتش ب صفاره  
والحاله اما بتنتابها.. بتعيش الدور بجنايبها  
وتجيب اللوم على غيرها.. بتبيع بسهولة احبابها  
بتطلع القطط الفاطسه.. وشريك ومخالف ومعاكسه  
من كتر ما عملت في حياتها.. إقتنعت ب الشؤم و بئسه  
مبقتش بتضحك بتجامل.. ب الكذب وبس بتعامل  
بتناق حتى في مشاعرها.. قلبها إسود دائماً شايلا  
أنانيه و جداً ومغروره.. عاملاي معالي السنيوره  
مع إنها أصلا في العادي.. ورده ودبلانه ومكسوره  
بتفكر بجمود المنطق.. ومصدق نفسه حاجه تفلق  
ولا عمرها تاخذ بنصيحه.. ومسيرها في عمايلها هتغرق !

\*\*\*\*\*

### 39. إكتشفت !

من يومين.. عرفت إن البعد أجمل  
 وف وجودها انا ببقى ناقص.. ووحدتي بكمل  
 أصلي بعشقتني ف جناني.. وف هواها أنا كنت بعقل ..  
 روعي طول عمري خفيفه.. بسمتي غنوه وظريفه  
 فجاء دمي لقيته يلطش.. من سخافته لقيتني بتقل ..  
 عمري ما اتعودت اكون.. حاجه ثانيه غير جنون  
 ضحكتي فرحه ودوشه.. بتقتل أنا م السكون ..  
 كل تفكيرها ظنون.. ف النكد كُفء وفنون  
 بدلت فرحي ل دموع.. قيدتني ب الشجون ..  
 إكتشفت ده كله لما بعدت ورجعت ل طباعي  
 قولت حبي منها قصه لازم انهيها ب وداعي ..  
 قولت احاول تاني أرجع.. عيني م الضحكه تدمع  
 ليه احب واشيل فهم مالوهش داعي !!؟

\*\*\*\*\*



#### 40. أراجوز

أنا الراجوز ب ضحككم.. وانسيكم ف أوجاعكم  
 وبنسي نفسي وياكم.. أنا اللي شاري ولا باعكم  
 وبعد ده كله تنسوني.. ب أسهل حاجه تبيعوني  
 ماتهتموش بأحوالي.. وبس هاممكوا أحوالكم  
 ورغم ضحكي علشانكم.. ومسحي حتى دمعاتكم  
 على الضحكه ليه حاسدني ؟ وانا بتمنى فرحتكم  
 أنا اللي باغوص ف كتمانكم.. وروحي جوّه شريانكم  
 بتستقووا ب ضحكاتي.. وتنسوني ف أفراحكم  
 وبتسبب ف بسمتكم.. ومحي كل أحزانكم  
 ولما اغلط تلوموني.. وانا بغفر خطيئاتكم  
 وبفتح ليكوا دراعاتي.. وتنزل ليكوا دمعاتي  
 وبكتكم وجعي وآهاتي.. واداريها بعيد عنكم  
 ومش بعرف عليكوا اقسى.. ولا يبعد ولا بنسي  
 وفيأ ضمير صاحي لسه.. مما تش ويا صدماتكم  
 بقدم خير والاقى الشر.. ومتقيد بيكوا ومش حر  
 وحلوي بهمكوا بقى مر.. وانتوا الأنانيه عنوانكم  
 ومش مستني يوم منكم .. مقابل.. بنسي عمايلكم  
 انا اتعودت ع الطيبه.. وبها بنسي قسوتكم !

\*\*\*\*\*

# 41. مُجَرَّد حاله نفسيه !!!

بتسألني تقول مالك ؟  
 بعدت عني ليه شويه ؟  
 بقيت ب تقل ف سؤالك  
 بتسأل حتى ب العافيه  
 ليه اتغيرت فجأه بعدت ؟  
 مبقتش معاملتك هيا  
 كأن بقيت واحد تاني  
 ومش عارفاه 100 ف ال 100 ..

وكان ردِّي عليها مفيش  
 ويعني انتي ماتغيرتيش ؟  
 قوليلي ازاي وما بعدتيش ؟  
 بقيتي بتجرحي فيا  
 أنا قادر أكون وبعيش  
 وبعذك اहे ماموتنيش  
 وجودك شيء مايلزمني  
 نزلتي ف نظري وعينيا ..

خلاص يبقى ماتدقيش  
 بعادي ده حاجه عاديه  
 وياريت كفايه ماتحاوليش  
 تجيبي اللوم تاني عليا

مالیتی القلب کوم خرابیش  
وکانت روجی مقاسیه ..

ومش معنی انی مابحکیش  
بکون قاصد مجافیہ  
سکوتی کان عشان زعلان  
مجرد حاله نفسیه  
خرجت منها ومش تعبان  
بقت بالوقت منسیه

\*\*\*\*\*

42. بطلت !

بطلت أصحاب واتصاحب  
بطلت يكونلي ف يوم صاحب  
بطلت أقرب واتقرب  
واتحب واحب أو اتغرب  
وأداوي واطيب وأطبطب  
واتساب واتباع أو أكون سايب ..

بطلت استغرب م الصدمه  
مبقتش بخاف ولا م الضلمه  
والوحدہ جميله وفيها نعمه  
مفيهاش لا بلاوي ولا مصايب ..

بطلت اتصاب أو اكون صايب  
بطلت اتعيب وأعايب  
مبقتش بعلق يوم أملي  
على حاجه ف لحظه بتندهلي .  
وأدينني بحاول على مهلي  
ما اديش ثقتي ب ظني الخايب ..

مع إني بحس ان انا شايب  
وشبابي اختفى مني وغايب  
بس انا لسه حاسسني شباب  
وبألف من خبراتي كتاب

بقراه وصفحاته بقيتلي صحاب  
وبقيننا أنا وهو حبايب ..

بطلت أبان ان انا طيب  
وبنقطة ضعف فيها اتعيب  
أنا أيوه بعيد بس قريب  
حاجه كده زي السكر دايب ..

بطلت أجرب واتجرب  
وبقيت م الحب انا بتهرب  
وعشان ماابقاش بيه متكهرب  
مبقتش بسيله ف روعي نايب ..

بطلت أكون أوي متعشم  
أو واثق أوي فجأه وأندم  
وبدأت يدوبك أتعلم  
والهم لروحي ما انيش جايب ..

بطلت أصدق وادي أمان  
بطلت أكون طيب واتهان  
وخلاص حرمت اني أضيع  
وقتي على حساب نفسي واشيع  
دمعات ع الفاضي وفجأه ارجع  
مخدول وضعيف قلبي وتعبان ..

بطلت اتعلق ب الهم  
وبغيري أكون مهتم

سالب زيرو

بطلت أتعشّم جامد  
وأعاني من حرقة دم !!!

\*\*\*\*\*

43. مش خطيئتك !

مش خطيئتك إن عيشتي معقده  
ذنبك ايه تعيشي جنبى منكده ؟  
قلبي مات من كتر وجعه  
و دي حاجه شبه مؤكده ..

والمشاعر جوّه نفسي مجردة  
والجروح سايبه علامه محدده  
والشروخ زايداني خوف  
خلتلي روح متبلده ..

بقيت بخاف من التعامل  
وصعب إحساسى يبقى واصل  
100 جدار حواليا عازل  
وبدور ف دايره مغلقة ..

إترميت جوّه بحور عدم الثقه  
والسهام نفدت ف جسمي مرشقه  
والدموع عامله نزيه و مغرقه  
طوق النجاه.. حتى الإيدين متقيده ..

الى زى خلاص ماينفعش ل هوا  
وحدثه والغربه ليه هيا الدوا  
مبقاش فيه حاجه عندي ممكن ادّيهالك  
وبلاش تكوني ف القرار متردده ..

حتي الضحكه بقت مصفره متغيره  
وروحى فقدت عليها توازنى والسيطره  
ماسخه وبايخه الدنيا أيامها متكرره  
زي ما اكون موجود ف عنايه مُشدّه ..

عارفه اللي بين موتى وحياتي  
دمعه حابسه صوت آهاتي  
خيبه أمل ف الأمنيات  
صدمة وجع ف الذكريات  
حاجات وفيا خلاص بقت متجمده ..

عايزاني بعد ده كله تاني احب ؟  
واظلمك ويايا وتشيلي انتي ذنب  
حد كان ذنبه البراءه والطيبه  
واتكسرله ألف خاطر.. ماتله قلب ..  
روحي بتنازع وجودك ب الشجون  
بأذي نفسي وبحمي فيكي مش جنون  
أصلي مش عايزك تكوني مره زي  
إحمي قلبك واحبسيه جوه السجون ..

وابعدي عن أي حاجه تكسرك  
واكسبي نفسك قبل أما هيا تخسرك  
ومتسمحيش لأي حاجه تغيرك  
واصدري أحكام عليها مؤبده !!!

\*\*\*\*\*



#### 44. أعزّ الولد

نفسى اجيب بنوته منك تبقى شبهك  
ونخاويها ب بيبي يبيجي يكون طالعلي  
حاجه تبقى ريحتها منك.. فيها صورتك  
ولد ويحمي اخته و يبقالها راجلها ♥

ينطقوا أسامينا أول مره تحصل  
يكبروا ويحبوا ونضوجهم بينا يكمل  
وكل واحد للحضانه اول مايوصل  
ومسؤولية كل واحد أما يشيلها ..

ونذاكر ليهم مراحل إبتدائي  
إعداديه و ثانوي وأما يخشوا جامعه  
وأما حتى يبقى لينا بيت بدائي  
ونبقى أسره صغيره بتكبر وتوعى ..

ويغير عليها ودّمه يبقى عشانها حامي  
وهيا تبقى حنينه بتخاف عليه وسامعه كلامي  
يغلطوا ويحكولك انتي تقومي جايه  
تطلبني مني اسامحهم واعفو عنهم  
وتلفتني نظري عشانهم باهتمامي ..

ونعتمد أكثر عليهم ونناديهم لما نكبر  
يعملولنا الحاجه الي عليها مش بنقدر

واما في الحياه يَشُقُّوا طريقهم  
وييقوا خلاص خلصوا كل علامهم  
ويرسموا ب إيديهم أحلامهم  
وكل واحد على نصه الثاني يعتر ..  
ونفرح بيهم ونجوزهم وونسي همهم  
لكن برضه عينينا عليهم هنفضل جنبهم  
ونرجع ثاني انا وانتي نعيش لوحدينا  
ويفضي البيت من حوالينا وبعد منهم ..  
ويفضل حبنا جوه قلوبنا لحد مانعجز  
وعمر ما حاجه هتفرقنا بالحب نتميز  
ويجيوا أحقادنا ويزورنا ويهم تَتَوَسَّس  
يعملوا حس بصوتهم وبرضه لعبهم ..  
ويقولونا جدو وتيته وندلعمهم  
ومهما نتعب برضه منهم هنلاعبهم  
ونزعل منهم ويخاصموننا ونصالحهم  
أعزَّ الولد ولد الولد يتدلَّعوا على كيفهم ☺

\*\*\*\*\*

45. مانتعشُمش !

مانتعشُمش ب زیاده  
عشان فعلاً مانتجرحش  
ولا تبقي ف يوم عاده  
تأخر فيك وماتقدمش

وتيجي تفوق ماهتعرفش  
وفجأه تبص ماهتشوفش  
وتصرخ بس ماهتسمعش  
غير الصوت اللي فيك نادى

وزي القهوه كون ساده  
مابتحليش وماتمررش  
لا حاجه بترخي ولا شاده  
تداوي بس ماتجرحش

تقرب بس مابتبعدش  
تداري كتير وماتبينش  
تقلل بس ماتزودش

ب ضحكه خفيفه فيك جاده 😊

\*\*\*\*\*

46. سالب !

سالب واطرح من مجاميعوا  
سر وفرحان لما يذيعوا  
يخطف كام قلب ويشغالهم  
بعدها سهل قوام يبييعوا  
عمره ما فگر ف اللي يضيعوا  
وكانوا ضحايا ومن مخاديعوا  
يجمع كل فصول الدنيا  
ويحطها ف ورود ل ربيعه ..

عائش دور الدُنجوان  
وهوهُ أساساً مش إنسان  
قلبه حجاره وسقفه محاره  
كُل مشاعره من الجمدان  
طبعه مخبي 100 تعبان  
بيحب يغير ألوان  
مره البيضه ومره الشقرا  
ويدوب جوه عيون السمرا  
ويطُب ف عشقه الولهان ..

فرحان بتعدد علاقاته  
وان الكذب ده سلو حياته  
موهوم بكلامه المتعسل  
يسبل حتى ف نظراته ..

لبس وضيق شكل ومشيه  
صوت وطريقه شاغلين. بالوا  
عقله خفيف ودماغه مش راسيه  
وبيعمل اللي بيحلالوا ..

واد ومقطع سمكه وديلها  
واحدہ يسيبها وواحدہ يجيلها  
واحدہ يقولها أصل ظروف  
وغيرها يتحجج ب الخوف  
وغيرهم بيخلص مناديلها ..

قال كازانوفا خلاص متسيط  
ع التليفون أو حتى يشيت  
بقى بيبيع نفسه ويسترخص  
كل بنات من جرحه تعيط  
عمره مافكر ف المجهول  
وعن أفعاله كان مسؤول  
بقى مُستهتر مش معقول  
بس مسيره ف يوم يتظبط ..

لما هياخد كف ومقلب  
زي ماكان ببساطه بيلعب  
ب اللي يعشّم قلبها بيه  
بكره هيبكي وياما هيتعب ..

کل عما یله لیه هتترد  
واللی معاه هیبقاله الضد  
حسابات بتخلص بعضیها  
کله بیرجع صد ورد !!!

\*\*\*\*\*

47. أيوه بغير

أيوه بغير .  
مش هقدر اخبي مشاعري كتير  
أيوه بغير  
واللي حصلي معاها ده زود حبي بالتأخير  
حاسه ده خير  
لما عشانها قبلت التغيير  
وبقت كل عيوي معاها مزاي كتير  
أيوه ف حبي معاها أنا طفل كبير  
أيوه بغير ..

لما تقولي فلان كلمها  
أو مين بس شاده جمالها  
واللي مرگز ويا كلامها  
فعلاً من جوايا بغير  
لما بتحكي عن أصحابها  
مين حوالها وجوه حياتها  
وحدي انا بتمنى أكون فيها  
وأعيش ليها خادم وأمير

أول مره حكيت ويآها  
ملكيت قلبي وروحي معاها  
وبقيت كُلي بدوب ف هواها  
ومسلم ل عينيها أسير !

أيوه بغير ♡

\*\*\*\*\*



48. موقف كتاباتي !

أنا كنت موقّف كتاباتي.. بس لفتّره  
علشان اتكاترت صدماتي.. وعملت حُفره  
بصيت ولقيتني ان انا تايه  
واختلط الأمر ومتشابه  
ومكانش الموضوع يوم تافه  
ف أخذت قرار اني ما اخوضش ف أي مخاطره  
كان لازم اراجع حساباتي.. واعيد النظره  
كان لازم الملم حكاياتي.. واسافر بره  
وسافرت بعيد عن أي بشر  
فمكان مفيهوش ولا أي خطر  
وعملتلي كوكب زي قمر  
كان بيني وبين الموت فعلاً فاضل شعره  
كان لازم أحبس دمعاتي.. زي القطره  
كان لازم أكتم ف آهاتي.. واعمل طفره  
وأغیر من طبعي واحرص  
وأبطل طيبه وأتخلص  
من كل عيوبي ل يوم افيص  
وادبل واموت زي الشجره

وأدينى رجعت بكلماتى.. واخذت العبره  
وملخص خبرتى وحياتى.. هعمله نشره  
وهذيعها عليا بتوقيتى  
وهتبقى غناوى ف شريطى  
ده الكل محاول تحببى  
بس انا روحى معانده وصابره !

\*\*\*\*\*

## 49. مراره اتفقعت

من يوم ماعرفتك وانا فعلاً تعبت أعصابي  
غير حرقة دمي ونرفزتي وبعاني عذابي  
الضغط العالي وعصبيتي وضيقه أحوالي  
دول منك وبسببك شاب قلب شبابي  
ضاعت وياكي واتسرقت أجمل أيامي  
واتعدمت بيكي وبسببك أجمل أحلامي  
ومخدتش منك غير تعبني ووجع قلبي  
وقفلت على الإحساس بعدك جوه ف دولابي  
مخلوقه برودك جاب جلطه ل الي بيهواي  
ونهايته هتبقى ب السكته طول ماهو وياكي  
وحراره اترفعت.. ومراره اتفقعت  
وحبوب الهم هيلعها علشان ينساي  
لو عاش هيعيش بشلل رعاش  
واذا مات هيموت.. واهه حقه مجاش  
ومشاعره تروح ف الهوا ببلاش  
خد مرضك واذاكي دواي  
الدم ف جسمك ده مجرد سايل ف عروق  
انما جواي ف إحساسك اهه مات مشنوق  
الشّر اتحضر عفريته فيكي ومخلوق  
متقيد ب الذل وراكع ليكي وباي

النقص ف ثقتك خلاي كوم قلّة زوق  
ومشوفتش زيك ف القسوه أبدأ مخلوق  
وتناكتك وغرورك ع الهوا والشوق  
خلوكي ضعيفه ومهزومه ل الي جفاكي ☺

\*\*\*\*\*

## 50. صاحبي

صاحبي يفديني برقبته.. اما بحتاجله الاقيه  
مش يكن فيه عداوته.. من غير ماتظهر يوم عليه  
مش يسبيني ف وقت ضعفي.. يبقى ضدي ومش ف صفي  
ينسى خيري وينسى عطفني.. وابقى شيء سهل يعاديه  
بس ماتقولش صاحبي.. ألف بعد الشر عنك  
منك انك تبقى جنبي.. حاجه عمري ما اعوزها منك  
وانت آخر حد ممكن.. آجي واشكي همي ليه  
تفتكرني وقت فرحي.. وتختفي قوام ف جرحي  
هوه انت فاكرني مغفل.. إوعى تتغر ف ملامحي  
ممكن اعمل مش ملاحظك.. واهمل اللي بتعمله  
بس انا عاجنك وخبرك.. وعادي اقولك كمله  
أصلي فاهمك برضه حافظك.. عارف ايه بتفكر فيه  
ولو نويت اني احاسبك.. عقابي مش تقدر عليه  
كنت هاجي ف يوم والومك..كنت هسأل عن همومك  
عن مشاكلك.. مش هشيلك من دماغي واكرفك  
أيوه كُنا فيوم صُحاب.. بينا حب ولوم.. عتاب  
بس دلوقتي خلاص.. ضاع مكانك ف الغياب !!!

\*\*\*\*\*

### 51. أنين ثائر !

بنادي ووطني مش سامع.. وحُضنه ليًا مش سايع  
 ولا حاسس معاناتي.. مع المتبوع أو التابع  
 وبصرخ صرخه خنقاني.. وطابقه خلاص على نفسي  
 ماين أمني وبين ياسي.. فيه شوك واقف ومش طالع  
 أنا اللي نزلت واتبهدلت.. أنا اللي هتفت لما اتصبت  
 أنا اللي خلاص بجد تعبت.. وقلبي فيه ياما مواجع  
 مخدّتش غير سهام تخوين.. وبخّ السم م التعابين  
 عاقل عايش ف كون مجاني.. وضاع فرحي ومش راجع  
 مخوفتش زي ماخافوا.. مايعتش زي ماباعوا  
 مخونتش زي ماخانوا.. رافع راسي ومش راع  
 ومسكتش على المنظالم.. مصاب لكن ف قلبي سليم  
 صريح ومش كذاب ولثيم.. طموح راضي ومتواضع  
 لافف روعي على كفني.. نظيف مفيش ريحه ل عفني  
 لجأت ل ربي ينصفني.. لوحده بس انا خاضع  
 ليه الحرية جوه تابوت ؟ ليه العدل مالهوش صوت ؟  
 وصوتي يبقى ليه مكبوت ؟ واشوف حلمي يتوه ضايع  
 ليه الناس بتخلق بيه ؟ ب واسطه وكوسه ولا جينه  
 وكام فرعون يمجّدوا فيه.. ماين خاين وبين طامع  
 أنا اللي طليق ومتقيّد.. بكّل الظلم متحدّد  
 طريق خطواتي متشيد.. بطوب الخوف ومش خانع  
 أنا ع الحق انا عارف.. ف وسط الظلمه انا شايف  
 ولو مخرج ف في النور.. وميض طافي لكن ساطع !!!

\*\*\*\*\*

52. بضحك وابكي ♡

لما بشوفك بضحك وابكي أيوه ف نفس الوقت  
أيوه بحبك.. أيوه بقولها كده من تحت ل تحت  
ولما انا بسمع صوتك ببقى.. بجد حبيبتى ارتاحت

إنتي لوحدك اللي انا قلبي بس انا ليها فتحت  
ببعد عنها ثواني الاقيني كده ف دقيقه اشتاقت  
واللي بحس ان انا وياها كل همومي مسحت

بتضحكني حتى لو انا ماليش أبداً نفس  
قبل ما اقول أو أتكلّم بيا قوام بتحس  
وف عز الأحزان بتخليني اتفاءل.. وانسى كل اليأس ♡

\*\*\*\*\*

53. مسؤوليه

كل مره نقول وداع وبننتفق  
تاني يوم نرجع ونخلف ف الكلام  
أصل اللي قلبه حب أو طب وعشق  
مهما يمشي يحزن وبسرعه قوام  
يبقى داب ول شويته جداً فيه غرق  
سهل ينسى ويرمي أيام الخصام  
صعب يجرح صعب يمشي ويفترق  
٥٥. العهد بين العاشقين نقضه حرام

الحنين والاشتياق  
دائماً أقوى من الفراق  
واللي حبه ييبقى صادق  
صعب يخلف إتفاق  
مهما بعدتهم ظروف  
أو واجههم أي خوف  
حبهم منقوش حروف  
وصل تضحيه وعطاء

وان ف يوم اتخانقوا أو زعلوا ف يعاد  
يصفوا بسهولة و مفيش بيتهم عناد  
كلمة الحب ف ضميرهم مسؤوليه  
كل ما بيتخاصموا أكثر.. القرب زاد



ولا بينهم بتزيد القسوه  
أو تقلب حرب ومعاديه  
ف نظرهم بس اللي بيسوى  
العشق بصدق وحنيه ♡

\*\*\*\*\*

54. بالطيبه بتخدع !

وان رجعت ف مره احن  
تاني اعاني من الوجع  
والدموع تفضل تان  
ب صوت ضعيف ولا يتسمع

وان مشيت يتقال هروب  
وان بقيت يتقال عيوب  
وان شاريت بتباع قوام  
ولما ابيع بكبر مقام  
وان عاتبت في الملام  
روحي ف آلامه تدوب

عيني بالطيبه بتخدع !!!

وان سكت ف قلبي بسمع صوت  
أيوه عايش بس كل لحظه يموت  
وان داريت ببيان ف عيني  
وان حكيت بسمع سكوت

وان بعدت فضلت وحدي  
عشت مرتاح جوه بعدي  
ناس كثير ب السهل تنسى  
هيقوا عايشين عادي بعدي

وان بکیت هیقولوا ضعف  
ألف ظن وألف وصف  
ده السؤال منهم بعطف  
کله عکس بيمشي ضدي !!!

\*\*\*\*\*

55. سرطان لعين !

لما خدتها مَرَضُها مني.. مرضت انا  
لما موتها بعدُها عني.. مَتَّ انا  
سرطان لعين خطفها مني  
و فرقنا يوم عن بعضنا ..

كنت بسمع آهه منها كنت بنزف  
والوجع ف ضلوعي يقسمني ويخطف  
روحي .. واتمنى اداويها.. كُنت بضعف  
بس كنت بخبي انا و قلبي دمعنا ..

كنت احقُز فيها وادّيها الأمل  
واعوم بحور اليأس ودراعي خذل  
وكنت فعلاً مش عارف إيه العمل ؟  
كنت عارف انها هيجي يوم وهتفارقني ..  
واهمسلها وامسك إيديها واقولها ماتخافيش  
وابقى نفسي اقولها ازاي حببتي ما هتعيشيش ؟  
معقوله كلها كام يوم وتاني ما هشوفكيش !  
بس كنت بفوق وبكتم ف اللي تاعبني ..

واضحكها واخبي دمعني.. عشان متنهارش بوجعي  
واقيدلها بالحب شمعي.. عشان ما تضحك لو ثواني ..

والقاها حاسه وبتداريها.. كلمه جوّه دموع عينيها  
اني ماربطش نفسي بيها.. ولا بَعَدَها اضعف واعاني ..

واحضنها وابكي ب الدموع.. ويضيقلي نفسي ف الضلوع  
واضطر اغير الموضوع.. واحاول اقلبها هزار ..  
تضحك وتهمسلي أقرب.. وتقولي مبتعرفش تكذب  
حبيبي ماتحاولش تهرب.. ده احنا للموت ف انتظار ..  
وابص ليها اسكت وابلم.. ونفضل كثير ولا نتكلم  
واحنا فينا بنتالم.. ونرتعش ونضم بعض ..  
وتقولي مش عايزه اتعالج.. بكيماوي يوقع شعري  
وجمالي يروح ويضيع.. وحياتك علشان خاطري ..  
واسمعتها بتبكي بحرقة.. وتقولي خلاص مش فارقه  
مش عايزه أعيش وكفايه.. أنا مركب صبحت غارقه ..  
وآجي أكلّمها الاقيها.. بتقولي ناولني مسكن  
وأموت من خوفي عليها.. واترجاها ولا تمكّن ..  
ضعفها منها ولا تسلّم.. وتغيب عن وعيها وتنام  
عشت آخر فتره صعبه.. وهيا جنبي وبتتازع ..  
والموت يقرب ويبعد.. وفجأه ثانيه يقوم راجع  
واموت معاها وأتالم.. واصحي على أنين و آلام ..  
لحد ما أخذت روحي.. ويأها وراحت فارقتني  
وانا لسه مش قادر استوعب.. إنها مشيت وسابتني !!!

\*\*\*\*\*

56. ما يباش عليكي

أنا عارف حبي بيعملك رعه وإرباك  
بينط كلامك من بابك ومن الشباك  
وبتفضلي محتاره وتايهه  
وأفكارك كده رايحه وجايه  
أنا عارفك هتموتي عليا  
مع انك ما يباش عليكي كلمة بهواك

ده جمالك بيصيب ويعور سهم وفتاك  
وعيونك مجرم بيقتل ف قلوب سفاك  
وقوامك زي الضلايه  
يتمايل شبه النسمايه  
وحلاوتك زي الدمعايه  
بتباني حزينه وفرحانه ورده ب أشواك

تتشاقي ويتقالك إنك ف الشكل ملاك  
وشقاوتك تداري ف طبعك زي الأسلاك  
بنقرب منها بنتكهرب  
والدم ف شرايينا بيهرّب  
ويسافر عاشقك متغرب  
آه يا قمر الليل اللي منور دائماً ف سماك

يا مسيطره ع الكل بحبك  
بحنانك وبطيبة قلبك  
جيتي عندي وقفتي اتهزيتي  
وبتحاولي تقللي ليه قُربك  
وأكيد دلوقتي مستغربه  
ماهو أصلك مش وحدك معجبه  
أنا دايب ف هواي من فتره  
وعيونى ف العشق متغربه  
ما قصدش أسبب إحراجك  
أو أكشف سر حاوطتي عليه  
أنا أقصد أقول هنيالك  
علشان قلبي انتي اللي أسرتيه ♡

\*\*\*\*\*

57. مېقتش بحسك

حواديتك مېقتش بتلمستي  
وكلامك مېقاش بيحسستي  
بأمان وبعدت أنا من خوفي  
علشان جوايا بقى حابستي ..

ولما اضحك بلاقيكي كئيبه  
مېقتش بحسك ليه حبيبه ؟  
وان حتى سألتك إيه مالك ؟  
ردك بييجيني يأسني ..

ف مشاعرك وبقيتي تتباردي  
وف عز الحوجه ليكي تغيبني  
مېقتش القاي وتواجدي  
مېقتش اسمع حتى حبيبي ..

بتجيني عشان نمحي مخاوفك  
والقاي غرزتي الخوف فيا  
وان قولت انا خايف ييجي عطفك  
يقتل ب المن الحنيه ..

بتفاءل ألاقكي متشائمه  
بقى كيفك تبقي نكديه



وان حتى عاتبتك ولا فاهمه  
بقى سلو طباعك أنانيه ..

بتعايري بحبك ومشاعرك  
ولو عايز أجرح أنا قادر  
لكني بسبك اهو بغدر  
تفرحي لما تيجي عليا ..

وف حزنك إحساسي ب الغربة  
موت ف بقيت أحاسيسي  
وملامك بقي ب النسبالي تهمه  
وبحاول اشطبها ف كراريسي !!!

\*\*\*\*\*

58. هتستيني ؟!

إستني عليا شويه ياريت  
لحد ما اجيبلك عفش البيت  
واشتري شقه وفيها أوضب  
واملاها بحب وتتركب  
وهتاخذ ف شقايا وهتعب  
وهتطلع روي فيها تظبط ..

ونحوش كام قرش عشاننا  
وهنصرف فيهم نتهني  
نتمتع ونعيش ف الجنه  
اللي احنا عملناها بتخطيط ..

والدبله ومحبسها وشبكه  
وهدايا جنابك ف الأعياد  
وساعتها هخس ف 100 عكه  
قبل ما حتى هنجيب أولاد ..

ولكني هكون فعلاً مبسوط  
وبونسك هنسي ان انا مضغوط  
وهدوب أكثر وف حبك اموت  
لما ولادنا يكونوا شبهنا ..

وف شهر العسل ننسى  
قعادنا ف وحده وف حبسه  
وكل همومنا ال كاسه  
وكات طابقه على نَقَسنا ..

ونتصور ونتهور  
ونتجنن كثير على بعض  
تغميني وانا هدور  
عليكي وسط مليون فرد ..

وهلقاي بعطر يفوح  
بشمة تُرد فيا الروح  
ده جوهر حُزنك انتي ببوح  
ده شيء تلقائي من غير قصد ..

أهم شيء  
أهم شيء  
تقويني على كل اللي يواجهنا  
تحسي بشوقي وحنيني  
تكوني قويه أوي صابره  
مقولتيش إيه بقى قولك ؟  
ها.. هتستيني؟!  
لحد ما نبني يوم بيتنا ☺

\*\*\*\*\*

59. زي عادتك !

زي عادتي لو انتقدتك  
تزعلي  
وان واجهتك أو صارحتك  
تهري  
حتى ف الحب ومشاعرك  
تبخلي  
وانتي برضه زي عادتك  
تهملي  
وان ضحكت وجيت نكشتك  
تعملي  
زعله وخصام وخرافات  
تلكي !

غيرتك الي بتقليبها ب اتهام  
وشكك الي قل كل الاحترام  
غير ظنونك أو جنونك  
وابتديتي قلتي حتى الاهتمام ..

كنت اما احاول اني اغير حاجه فيكي  
تعندي وتزيدي فيها وتجرحيني  
مع انه بس ييبقى من خوفي عليك  
لكن مهانش عليك مره تفرجيني ..

كنتي حاجه بريئه فجأه اتغيرت  
والأمور فلتت معاكي اقطورت  
والنهارده راجعه بعد بعد بعد سنين  
بعد كل ما حاجه بينا ادمرت ..  
زي عادتك !!!

\*\*\*\*\*

60. ناس

فيه ناس تيجي وناس تمشي.. وناس تسهر ما بتنامشي  
وناس تصبح على الأوجاع.. وناس بتنام ما تسهرشي  
وناس تنده ماتسمعشي.. وناس صادق ما تكذبشي  
وناس يهتموا بهمومك.. وناس تكذب ما تُصدقشي  
وناس للخير ما تفرحشي.. وناس تدي ما تندمشي  
وناس عايشه عشان تاخد.. وناس تاخد ما تنكرشي  
وناس تغضب ما تغفرشي.. وناس بتقول ما تعملشي  
وناس يقفوا ف يوم جنبك.. منين جوك ؟ ما تعرفشي  
وناس جواها 100 طيبه.. وناس عنك أوي غريبه  
وناس لوفاءها تستغرب.. عليها العشره ما تهونشي !

\*\*\*\*\*

61. إندهيني !

صدّقيني الشوق ماليني  
إسمعي نبضي وحنيني  
حسي خوفي فيه تشوفي  
بحر ألمي وفيه أنيني  
إندهيني واحضنيني  
إمنعي الفرقه تجيني

ترجمي الصرخه ف حروفي  
وامسحي الدمعه ف عيني  
إرجعي خلّيني اعيش  
بعد منك ماتساويش  
أي حاجه خلاص مفيش  
غيرك انتي اللي يداويني

لما غيبتني فرحي مات  
عم بعدك كوم سكات  
عقل مهموم وف شتات  
توهت مني ومش لاقيني  
إنتي كل حاجه عندي  
إنتي روعي وانتني نبضي  
إنتي تعبني وانتني راحتني  
إنتي وطني اللي أويني ♡

\*\*\*\*\*

## 62. سُبْحان مين غير أحوالك !

أنا آخر حاجه تيجي ف بالك  
أنا حد عذابه بيحلالك  
هي الأيام كده بتبدل ؟  
يا خساره زعلان ع اللي جراك ..

كان نفسي مقولش ف يوم مالك  
ولا احس بوجع انا ف سؤالك  
وما احسش ان انا ع الهامش  
وكأني مجيتش انا ف حياتك ..

وهقولك ع الآه ولاّ الخوف  
من ضيقتك ولا عشان فيه ظروف  
مبقتش خلاص انا عارف اشوف  
ولا احس ف قلبي ألا عذابك ..

وبجد خلاص اعلمي معروف  
انا مت كثير م الشوق ملهوف  
وتعاملك اللي ماهوش موصوف  
إعفيني من لومك وعتابك ..

وخلاص مش لاقى انا أي كلام  
يوصف وجعي المليون ب آلام  
أنا حتى كويس اهه وتمام  
بتدق النبضه ف قلبي بعيش ..



وصحيح أوقات مش بعرف انا  
ويجيلي خيالك ف الأحلام  
واتخيل روحك تسألني  
مالك ؟ ويكون الرد مفيش ..

خليكي بعادتك وطباعك  
أنا حضني خلاص مش هيساعك  
كان نفسي أخفف أوجاعك  
سبحان من غير أحوالك ..

خليتي حاجات جوايا تموت  
خليتي الخنقه بتكتم صوت  
صرخاتي وكسرتي مشاعري  
مع كل ثواني غياب بتفوت ..

مانا آخر حاجه تيجي ف بالك  
سبحان من غير أحوالك !!؟

\*\*\*\*\*

63. قولت أجازف !

كان ماليني الشوق وخايف  
مره تنطقها الشفايف  
أو يخوئي لفظ مني  
كنت ادوب اما تحني  
وفيا اتعب اما تباني  
خلتيني مكونش شايف  
إني هخسر روعي بيكي  
وان قلبي يهون عليك  
وان نصيبي مكونش ليكي  
فجأه حسيت نبضي واقف  
قولت هقسي وكنت أحن  
عشان بحبك كنت أن  
واكتم الآهه ف ضلوعي  
قولت هتحدى واجازف  
رغم جرحي كنت بضحك  
كنت جوهر الحزن لامحك  
عمري مره ما كنت جارحك  
بس وجعي كنت عارف !

\*\*\*\*\*

## 64. مكانش ف بالي !

ومكانش ف بالي ف يوم اتألم واتألمت  
 ومكانش ف يوم همزاجي اتعلم واتعلمت  
 ومكانش ب كيفي اختار ف ظروف  
 ولا حتى ف لحظه أحس بخوف  
 ووعيت ع الدنيا لقيتني بشوف  
 وبعيش واتعايش ويا حياتي واتأقلمت ..  
 ومكانش ف نفسي اصبحت متغير واتغيرت  
 ومعادش خيالي مريض بالحلم غير لما آمنت  
 ان انا ف الواقع وبواجهه  
 وان انا ف خيالي مانيش شبهه  
 أنا حتى بقيت على طول نادهه  
 علشان مصدوم من يوم ماعرفت ولا استوعبت ..  
 ومكانش ف نفسي ف يوم اتباع  
 وأقضي حياتي ف لقي ووداع  
 وأفارق واتفارق ياما  
 وأبطل أسمع ف ملامه  
 وأعافر وسط الدوامه  
 وانا بنزف من كثر الأوجاع ..  
 ومكونتش متصور أبداً ان انا أتهان  
 وحياتي ف لحظه متبقاش تاني بالألوان  
 والعشره تكون أرخص حاجه

ويتقال ع الطيه ضعف.. سذاجه  
والقى ان الناس مش محتاجه  
غير بس الكذب بيدّيههم إحساس بأمان ..  
ومكانش ف خاطري ان انا أتوجّع واتوجّع  
ومكانش ف فكري ان انا هقع ف يوم ووقعت  
ومكانش ف بالي اصبح وحداني  
أدي وأوفي وف الآخر اعاني  
أشترى ف الناس والناس يبيعاني  
مقدرتش حتى ان انا ما ابكيش وكثير دمعت !!!

\*\*\*\*\*

65. گُحلاتها

گُحلاتها بدمعها دابوا  
وملامح الحزن ازدادوا  
مبقتش بتظهر نغزه  
حرف وناقصاه الهمزه  
خُصلاتها كمان مش عايزه  
تتمایل بعد بَعادوا ..  
غاب عنها وغابت فيها  
لمعه اتدارت ف عينيها  
والضحكه وبتخبوها  
كان نفسها يوم يتراضوا ..  
عندت راح هوّه معاند  
يعدت راح ماشي وباعد  
قويت إستقوى عليها  
جمدت وياها اتبارد ..  
كان بس غرضها التُّقل  
قلبت برخامه وسُقل  
وجنانها مكانش بعقل  
ومكانش طبيعي وزايد ..

كان ييحاول يرضيها  
وبيتمسك أوي بيها  
لحد ما ساقّت فيها  
وبعد ما حبوا اتعادوا ..

كان حد جميل وحنين  
كان تجميلها اللي مزين  
ف جمالها وفيه بتبين  
وعينيها للفرح ينادوا ..  
مش لاقيه لحبه طريق  
يرجع لو حتى صديق  
ولا قادره تسامح روحها  
حاسه ب100 خنقه وضيق ..

ولو رجع الوقت بيها  
هتقولُه على اللي فيها  
هتشدوا جامد بإيديها  
وهتحضنه حضن عميق  
وللفرقه أكيد يتفادوا ..  
كحلاتها بدمعها دابوا  
وملامح الحزن ازدادوا ♥

\*\*\*\*\*

66. آسف

ضحكتله حُضنها  
كان حُضنه مكانها  
ماهو أصله ونسها  
ومخفُف عنها  
فجأه بدأ يبكي  
ودموعه بتشكي  
وأهاته بتحكي  
ف همس ف ودانها ..

قالها محتاجلك  
وهموت وارجعلك  
أنا قلبي اشتاقلك  
مش عارف اعيش  
وغلطت ف حقك  
لما انا يوم سيبتك  
وسألتيني إيه سببي ؟  
أنا قولت مفيش ..

ووجعت ف قلبك  
وغدرت بحبك  
سببت انا تعبك  
وما اتكلمتيش ..

بس وحشتيني  
فيا ملكتيني  
صحافي حنيني  
ده انا ما نستكيش ..

رَدَّتْ فِ ثَوَانِي  
وَقَالَتْ لَهُ حَبِيبِي  
حُضْنُكَ دِه مَكَانِي  
مَا بِيْسِيْبِنِيْش ..

وان كنت بعدت بجسمك  
مبعدتش عني بروحك  
محفور ف القلب باسمك  
مين غيري يحس جروحك ؟

وان جيت للحق  
أول ما انا شوفتك  
قلبي جامد دق  
تلقائي حضنتك ..

واذا كنت ف يوم زعلتني  
أو لحظة طيشك بعثني  
ورميت ف كلام ودعتني  
طيبت بوجعي رجوعك ..



وبرغم ان انت جرحتني  
من يوم ما فارقت وسيتني  
بس ف حبك علمتني  
إني أسامح بدموعك ..

ده انت حبيبي الحنيه  
ووجودك كل ماليا  
بمجرد ما الملح طيفك  
لازم انسى أي قسيه ..

شوف حبك جوه عينيا  
وادي شوقي باين ف عينيك  
أنا وصفي كمال تعريفك  
ربنا يخليك ليا ♡

\*\*\*\*\*

67. كُـلْ ذَنْبِكَ !

لما تكتّم ف المشاعر  
وتداريها من العيون  
وانت عاجز بس قادر  
تنتحل صفة الحنون  
واللي بتحبه يجافيك  
قلبه يستقوى عليك  
عمره ما بيعس بـيك  
وان صارحته يقول جنون  
تلبس الوش المناسب  
وف الكلام تفضل تحاسب  
تخسر اكر ما انت كاسب  
تبقى هتموت م الظنون  
وان لقيت قلبك يحن  
ولأ عقلك فيك يحن  
يقتلك عطفه و يمن  
بالحروف زي الديون  
كُـلْ ذَنْبِكَ كان حنينك  
أحاسيسك فضلوا محاوطينك  
واللي كان بينه وبينك  
ما يتعداش خانة السكون

بَصَّه منك ليه كفايه  
سيبه وامشي م البدايه  
هيا دي نهاية الحكاية  
اللي بدأت ب الشجون  
ليه تقيد روح هتظلم ؟  
قلبك اكر فيك هتكتم  
إصحي فوق وكفايه تحلم  
تبقى حر ف السجون !!!

\*\*\*\*\*

68. بطلي تتفلسفي !

إنت مش حاسس ب خوفي.. إنت مش شايف ظروف  
 قولت ليها كملي.. وريني أكثر واعلمي  
 م اللي يوجع واقتلي.. هبتسملك بسمه هتوصل حروفي..  
 مش هجرح فيكي أبداً.. مش هعاتبك عادي جداً  
 هسمعك إتكملي.. من سكوّتي اتعلمي  
 ع البعاد اتأقلمي.. ولما هابعد إعرفي قيمتي وشوفي..

وجهي التهمة بكلمه.. كوني قاسيه وابقي ظالمه  
 ضلّميها هتبقى عتمه.. قصة العشق اللي بينا ادفنيها..  
 كحلّيتها واعمي فيها.. كل حاجة عيشنا ليها  
 إمحي كل حاجة حلوه.. انتي مش باقيه عليها..  
 زي ما احنا كنا توأم.. حسّ بينا وكان بيّفهم  
 بالإشارة وبالعبارة.. أحكمي الحكم اللي يعدم..  
 قطعني كل الورق.. أنفخي حتى الرماد م اللي اتحرق  
 ندميني ع اللي فات واللي اتسرق.. خلّيني فيكي أتصدم..

وضّحي صورته ف عنيا زغللت  
 خلّيني أعرف إني كنت ف يوم غلط  
 عرفيني إن طيبتني فيا عيبه  
 وعيب ف قلبي اللي بيكي إرتبط

صَحِّني مِ الحلم الي كنت بحلمه  
يَمَكُن عيوني وقلبي يوم يتعلموا  
فوقيني من ضلوع اتسمموا  
وعقل بالعشق اتخبط ..

وَقُفي نرف الوريد  
إكويني ب النار والحديد  
رجعيني للحياه ثاني من جديد  
خَلِّي ضغطي يتظبط ..  
واهو يبق نبضي مُترن  
وعقلي ثاني يتوزن  
فرحي القلب الي حزن  
طلّعي الكبت الي فيه كان مُنضغط ..

كل ده مش ب الكلام.. بنظرة مني والسلام  
هتعرفي حجم الآلام.. والمرار الي ف جوفي  
ساعتها بس هتعرفي.. إمتي تقوي وتضعفي  
إمتي ف ظلمك تنصفي.. وتتحمل ضربتي سيوفي  
ساعة ما نارك تنطفي.. و قلبك يحن وتعطفي  
وتبطلي تتفلسفي.. ف الحب ب الإحساس تشوفي !!؟

\*\*\*\*\*

69. ما توحشینیش !

عشان خاطري کفایه خلاص ما توحشینیش  
تعبتی قلبی ب زیاده و عارفک تانی ما هتجییش  
کفایه یا قلبی إنت کمان  
من الحرمان  
وب الأحزان  
ما تجرحنیش

غیابک موت ما عیشنیش  
ف عینی دموع و ما بیکیش  
و غصب عنی بتوجع  
لا عارف امشی و لا ارجع  
ولا بحکی و لا بسمع  
لا انا الی بموت و لا الی بعیش

فراقنا جه علی غثله  
مکونتش لحظه متوقع  
جفون عینی ل امی قافله  
ولا الدمع راضی بطلع  
بقیت نقیضین بیتشابکوا  
ویتعقدوا ویتفکوا  
وحتی فبعد یحتکوا  
ومفیش بینهم حاجه بتمنع

وحتى نفسي أشكي  
ف يوم ليكي وما بشكيش  
فقدتُك ف الوداع عافيه  
وانا مغصوب وانا ف كافيه  
وقهرت قلبي تضعفني  
وحتى ضلوعي مازقتني  
ولما الدمع يسألني  
تقوم عيني بسكوت نافيه  
وقلبي يقول لي إيه مالك ؟  
أرد واقوله لأه مفيش  
ده ساعتني ف الفراق وقفت  
ووقت الفرح ما اتحركش  
وروحي فجأه إتخطفت  
من الصدمه وما بتنطقش  
وغابت عني ضحكاتي  
وكرت فيا آهاتي  
بقيت أكثر ف لحظاتي  
ساكت سرحان ما بتكلمش  
ولو رجع الزمان بيا  
وقولتي سييني ما هسيبكيش ..  
عشان خاطري كفايه خلاص ما توحشنيش !!؟

\*\*\*\*\*

## 70. اتخطبت !

جايه بتكلمني.. بتقولي عامل ايه ؟  
لسه برضه فاكرني.. نسيطني ولا ايه ؟  
قولتلها عادي وعائش.. واهي ماشيه الحمد لله  
كان أمني ساعتها بایش.. وقلبي ف جرحه تاه ..

وسكت قامت قالت  
إيه أخبار حياتك ؟  
ودماغي منها تاهت  
قولتلها مفيش جديد  
واهو برضه ماشي الحال ..

وجوه عقلي دارت  
أفكار وألف سؤال  
ردودي فيا احتارت  
والصمت بدأ يزید  
ومكانش شيء ع البال ..

فجأه اقتحمت سكوتي.. حسيتها هتقول حاجه  
سألتنی روح ل فين ؟ قولتلها لأه مفيش حاجه ..

ردت وهيا بتضحك.. وبتقوللي أنا اتخطبت  
أنا إمتی هحضر فرحك ؟ ولا انت مش خطبت ؟

غصبت عني اتنهدت.. وسرحت ثانيه شردت  
وجوه فيا كتمت.. قولتلها حبييتي اتخطبت ..



لبست محبس ودبله.. والفرقه عليها سهله  
نسيتني خلال يومين.. مش محتاجه مساءله..

ولأ انتي قولك ايه ؟ ع اللي سألتني عليه  
شايفه الحال اللي انا فيه.. قدامك قصه اهي كامله..

نسيت عشرة سنين.. باعت الشوق والحنين  
ماهو طبعاً مش هتعتل.. روحها علشاني أنا مين ؟

ومن يوميه لا ردت.. ولا جت بعديها وسألت  
فاقت حسرت معاناتي.. أصلها م الرد اتكتمت !!!

\*\*\*\*\*

# 71. أدمن عشقك !

من يوم ما عرفتک وانا قلبي بقي ب العاده  
يقطع ف الكشف ويستنى الدور ف عياده  
وبفضل قاعد مستنظر  
بيدور ف كلام ويحضر  
لو طال الوقت بيتصبر  
على أمل ان انتي هتديله جرعه زياده ..

علشان أصلاً حاله متدهور  
وف كل دقيقه ماشي يدور  
ولا عارف ب الكلمه يعبر  
عن حاجه حاسسها و جواه أوي مزداده ..  
بيشوف المرضى بيستأسد ويقول هيخف  
وتطلي عليه تاني يتمارض وعينه بترف  
وياعيني حالته بتزداد أكثر ف السوء  
وف حبك دخل الغيوبه ومعرفش يفوق  
ولكنه مبسوط ب العله مهما اهو بيدوق  
وحبوب الهوا بقي يلعها ب غباء ويسف ☺

واهه يوم عن يوم بيزيد أشواق  
وأمان قلبك بقي ليه الترياق  
والموج ف بحورك أوي سراق  
خد منه القلب على مفاجاه بيه بتتمادي ..

وان جه حتی یفرمل نفسه  
بیقوم عفريتک کده لابسه  
ومسیطر علی کل مشاعره  
وف قلبک حاطه قوام حابسه ..

ومالوش غیر إنه بیستسلم  
وف حبک یغرق ویسلم  
نظراته ف عینه بتتکلم  
ماهو آدمین عشقک وخلاص فیه بیتعاطي ♡

\*\*\*\*\*

72. شيزوفرينيا !

مُشفق على كل المرضى النفسيين  
إزاي م النقص بقُوا مجانين  
جوه كلامهم ألف تناقض  
حد يوافق و حد يعارض  
متحرر من قيده وفارض  
مرضه على الناس التانيين

ينتقد غيره ف حاجه و يمارسها  
عنده رغبة الغلط جواه حابسها  
وأقنعه ب اكوام كتير جداً لابسها  
ولا بس ب وش ولا ب وشين

بيكذب روحه ويسايسها  
مع انه ف أصله معاكسها  
ودماغه بقفل متربسها  
ولا شاغل نفسه ببني آدمين

ومصدق قوله وأفعاله  
وبيعمل اللي بيحلاله  
وغريبه وسايكو أحواله  
وحش وبيعمل فيها مسكين

من كتر ما شاف سلبياته  
ضاعت منه كل ميزاته

معجونہ ومضروبہ حیاتہ  
وعیونہ خلاص مبقوش شایفین

مبقاش بیحس ب ولا حاجه  
ودماغه علیله ومحتاجه  
أعصابه حاططها ف تلاجہ  
وطباعه بقت زي الغادرین

والنقد ف عینه علی غیره  
وبیحشُر نفسه ب مناخیره  
وتشاؤمه یمارس تأثیره  
علی کل معارفه والمحیطین

أوصافه بقت شیزوفرینیا  
وخلاص بقى مُدمن أنانیه  
والطیبه اتزرعت مقاسیه  
وحیاته بقت اتین ف اتین !!!

\*\*\*\*\*

73. مُفتقداك

صحّي ف عيونك حنيني  
وارجع اشتاق لي كان  
ولا يعني نسيت سنيني  
واختفى فيك الحنان ..

ياللي قلبك غاب عليا  
سابني من غير أي قول  
والله مفتقداك عينيا  
وقلبي ياما عليك مشغول ..

نفسي أكثر تحتويني  
تضمني بحنان كمان  
دمعي يشهد جوه عيني  
ع العذاب وع الحرمان ♡

\*\*\*\*\*

74. إغفريلي !

كل ما ابعد عنك اكر  
قلبي يهواكي بجنون  
كل ما احي انسى و افكر  
ف اللي بيخليني اصون  
مش بسيط ولا سهل أقدر  
حتى ف بعادك اخون ..

مش ف طبعي إني أغدر  
حتى لو غمضة جفون  
لما بعشق بفضل اصبر  
والسهر يملى العيون  
نفسى قيد البعد أكسر  
والقى نفسى جنبك بكون ..

ياللي حبك صحى فيا  
كل شيء ودعته مات  
خلي بس المره ديا  
فرصه ليا انسى اللي فات  
إغفريلي واسمحيلي  
قربيلي واندهيلي  
كل حاجز بينا شيلي  
دوبي كل مسافات ..  
واعذريني دموع عينيا

ممکن ابکیہا بساعات  
لاجل بس تحسي بيا  
وبحنين الذكريات  
ده انتي مش حاجه عاديه  
انتی کل حاجه ليا  
فرحه مالیا الكون علیا  
حاجه عندي بقت عادات ..  
إسمعيني سيبيني اعبر  
ع اللي فيا من سُجون  
وربنا بس اللي يستر  
والكلام مقنع يكون  
قولي كلمه بيها احمر  
قلبي من قيد السجون ..  
صدّقيني بُعدك اخطر  
منه على قلبي مفيش  
مرضه فيه عمال بيكبر  
من غيرك مش عارف اعيش  
مش بدافع مش ببر  
ده اللي حاسه مايتحكيش ..  
حُكْمِي قلبك مشاعرك  
رجعي الطبع الحنون !!!

\*\*\*\*\*



75. الكرامه

لما قالوا عنها قالوا كلام كثير  
 كنت عارف ان حبي ليها هيخليني اغير ..  
 وارجع اضعف ثاني ل الحب اللي كان  
 يمتلك قلبي وليها يكون أسير ..  
 كنت اداري الدمعه لتفصح هوايا  
 أو تبين إني محتاجها معايا  
 كنت اقول لو مهما هتكون النهايه  
 مش مهم.. المهم انها تكون بخير ..  
 لما زادوا جراحي فيا وعذبوني  
 لما كل مشاعري فيا بيوجعوني  
 لما أبص لصوره ليها وتبكي عيوني  
 كنت بعرف ان وجعي منها مش سهل و كبير ..  
 بس شيء جوايا ماسكني الكرامه  
 كل أما احن صوت فيا يمنع الندامه  
 واعرف اكر وافتكر  
 إني دفعت ف حبها مليون غرامه  
 دخلوا قلبي ف منعطف صعب وخطر ..  
 م المستحيل ثاني أجر خيوط ملامه  
 من ع العيون اتشال غيوم كانت غمامه  
 منعنتني اشوف عيبها اللي ياما  
 عمري ما اتوقعته فيها.. الضمير !!؟

\*\*\*\*\*

76. ومين فينا ؟!!

ومين فينا ماهوش شایل  
هموم اکوام ؟  
ومين فينا ماهوش فاضل  
ف صبره ايام ؟  
مابين شويه مجروحين  
وبين شويه مظلومين  
وبين شويه محرومين  
ومين فينا مكانش موجود ف الغرام ؟  
ومين فينا مكانش معقود الكلام ؟  
ومين فينا ماهوش سهران ومش بينام ؟  
ومين فينا ما اتألمش ؟  
ومين فينا يوم ما اتباعش ؟  
ومين فينا قوي ومضعفش ؟  
ومين فينا مفاقش ف لحظة م الأوهام ؟  
ومين فينا معاشي ف يوم سيناريو افلام ؟  
ومين فينا ما اتعلمش عليه ب اقلام ؟  
ومين عايش ف دور كامل ؟  
ومين ل طموحه مش واصل ؟  
ومين فينا ماهوش عامل  
حساب ل کابوس يعيشه احلام ؟

ومين مبكاش ف يوم دمعہ ؟  
ومين سافر مالوش رجعه ؟  
ومين جواه مفيش وجعه  
ولا اتعود على الآلام  
ومين كاتم ف قلبه اسرار ؟  
ومين ما اتكواش ب النار ؟  
ومين ما بناش ف لحظه جدار ؟  
وحط علامة استفهام !؟!

\*\*\*\*\*

77. زیرو !

کنت فاکرها ب کیسها وزیرو  
 طلعت ماشیه معاه ومع غیره  
 حبه تسالی وحبه تعالی  
 مش بتفرفش غیر ل الغالی  
 تشبع منه وتنکر خیره ..  
 قالبه ف هوا عداد الشوق  
 تاخذ منك بس بذوق  
 عاشقه الماده ورأسها مالی  
 عقلها سم وقلبها خالی  
 عمره ما دق ل ولا مخلوق ..  
 کنت فاکرها بکیسها وزیرو !!!  
 غاویه حبال وتنط فوقیها  
 وتجرح مین يتعلق بیها  
 مش مشکله کام قلب اتکسر  
 أو بمشاعره علیها اتحسر  
 بس تقدّر مین یلاغیها ..  
 دایره یمین وشمال بتحوّر  
 ع الی یطبّ اکید بتدور  
 ترمي شباك وتصید الصیده  
 تدخل جوه علاقه جدیده  
 شیطان فیها ملاک متصور ..

كنت فاكرها بكيستها وزيرو !!!

بس تشوفها تقول دي ملاك  
مش هتلاوع يوم وياك  
لكن قلبها ل الزيف غاوي  
حريف أوي ف اللعب وهاوي  
خبره ف بخ ورود أشواك ..

لحظه بتيجي ويوم تنساك  
بس تفكر ف اللي معاك  
فيها مصايب ياما بلاوي  
عقل مراسي وقلب تقاوي  
عمر ما تعرف يوم تهواك ..

كنت فاكرها بكيستها وزيرو !!!

تقفيل مش من بلد المنشأ  
على مصلحه تفضل تتنشق  
كلها ظاهر شكل ومنظر  
جواها كذب وغدر منظور  
سهم وفجاءه ف قلبك يرشق ..

طلعت مش زيرو وملعوب  
جوه أساسها الخير مسلوب  
عارفه شباب أشكال واللوان  
قلبها بحر وحضنه حنان  
شايل طن جراح ف قلوب ..

تيجي بنظره وكام دبدوب  
حتى فيوز الحب يدوب  
فرقع من كتر التحميل  
ملهاش آخر ليلا طويل  
صوره وعكسها ب المقلوب ..

وادي قصتها وادي حكايتها  
وادي طريقها وادي سكتها  
إوعى يخمك منها كلامها  
أو نظرتها ولا سلامها  
ولا تجيبك من ضحكتها !  
كنت فاكرها بكيسها وزيرو !!!

\*\*\*\*\*

78. حاسه بضغط !

مانيش مياله للأحزان  
لكني همومي ب الأوزان  
بيبقى ياما نفسي افرح  
وضيقي يفقدني الاتزان  
ألاقي الدمعه ليه تجري  
والاقي الخنقه في صدري  
واحس الرعشه في نقسي  
واشوفني بير وفاض مليان ..

يجيني الحلم لو نايه  
واقوم مفزوعه ليه و قايه  
والاقي دموعي انا عايه  
وقلبي فيها يقوم غرقان  
وحاسه ب ضغط حواليا  
وجاي الكل ليه عليا  
بشوف الحزن ف عينيا  
بجد تعبت م الكتمان ..

كثير بحن ل طفولتي  
واشوفها فيا ف مرايتي  
وحافظه وعارفه انا حكايتي  
أنا اللي كبرني الزمان

ده انا بتمنى ضحكه بنفس  
تخرجني من الهموم واليأس  
ظروفي ماشيه ضدي وعكس  
وحاسه الضحك فيه حرمان ..

مفيش حد بقى بيعذر  
أو حتى ما يعدش اتغير  
حياتي حواديت تتكرر  
بحلم الاقي دوا النسيان ..

متظلمنيش ..

تعال وعيش مكاني وشوف  
هتلقى الخوف وضغط ظروف  
يهدوا جبال من الأحمال بقيت بركان ..

وخايفه ف يوم ل يتفجر  
أو القى نفسي بتغير  
بجد انا لغز يحير  
لكني حد بسيط إنسان !!!

\*\*\*\*\*



79. خليك جنبها !

لو كنت بتحبها  
ضحكها من قلبها  
واملى الفراغ ف حياتها  
خليك صديق جنبها  
أخ وحبيب كونلها  
أبقالها من أهلها ..  
خليك كاتم أسرارها  
دائماً قريب منها  
واياك تتخلى عنها  
حسها ب اهتمامك  
خليها فتاة أحلامك  
إديها كل حياتك  
و ابقى سبب فرحها ♡

\*\*\*\*\*

80. فاكهه ؟

أنا يوم ما لفت ف إعجابك  
وانتي تفلتي  
بعديها استحملت عذابك  
وانتي فضلتني  
بتسوقي بزيادة دلالك  
واتكبرتي ..

وفضلت بقاوح ف جنابك  
قومتي عندي  
وبقيت على حبك ب عتابك  
ولا فكرتي  
تتعاملني بتقدير متبادل  
واتنكتي ..

ده انا يوم ما عرفتك حبيتك  
ولا قدرتي  
ولا يوم حتى قولت نسيتك  
وانتي غدرتي  
طب ليه دلوقتي اما بسيبك  
فجاه تعبتي ؟

ياما جيتك بمشاعري وقلبي  
وانتي سكتي  
ياما كنت بداري ف دمعاتي

ولا دمعتي  
ولا حتى ف يوم اتهزيتي  
وفيا وجعتي ..

معقوله تكوني قوام فوقتي  
أو قلبك حس اتغيرتي ؟  
ولاً ادي مجرد شماعه  
كام حاجه عليها وعلقتي ..

ل تكوني م الوحده اتعلمتي  
وصارحتي ف روحك وواجهتي  
ودريتني ب غلطك متأخر  
وملمتي عزالك ورجعتي ..

ل يكونوا أوجاعك نسوي  
ان انتي جرحتي  
أو جايه عشان هما باعوي  
ف استنصحتي  
أو فاكهه عشان اني بحبك  
أنسى كرامتي ..

أنا جايز فعلاً اكون طيب  
وانتي سذاجتي  
بس انا مش سهل ولا اتغيب  
علشان طيبتي

أنا أصعب مما اتصورتي  
أنا أصعب مما اتخيلتي ..

طب فاكهه اما انا كنت شاريكي  
وفيا بعتي  
ولا اما انا جيتلك محتاجلك  
وانتي بعدتي  
ولا اما استقويتني عليا  
ف حبي قدرتي ..

طب فاكهه اما انا جيت وواجهتك  
وانتي هربتني  
واما ب إحساسي ومشاعري إستهترتي  
ولا اما انا جيت قولت بحبك  
وفجأه ضحكتي !

\*\*\*\*\*

81. النفاق !

الزعل ع الوش باين  
والكلام ف ملامحه كذب  
والنفاق زرع الجنائن  
حروفه طايره زي سرب  
أيوه إختلفت نفوسنا  
والعقول جوّه ف رؤوسنا  
مهما كان الخوف حابسنا  
النوايا لونها قلب ..

فيه قلوب بتشيل وتملى  
وفيه قلوب م الطيبه هبله  
وفيه قلوب حابه المجامله  
ضحكه منها بتبقى نصب ..

وفيه قلوب وحشه وسوده  
وفيه قلوب بيضا وودوده  
وفيه قلوب حاقده وحسوده  
كله بيان وقت كرب ..

صعب تتجمل ف شده  
والظروف شاده وجامده  
مهما هتداري ف تعاملك  
كله بيان لحظه واحده  
مش مقاوحه ومش معانده  
كل حاجه أيوه وارده

و تحت ضغط كله يطلع  
حتى لو بانئت طباعنا ف لحظه بارده ..

البشر شبه المعادن  
منها عادي ومنها غالي  
فيه اللي فاتح فيه اللي داكن  
ومنها قشره وجوه خالي  
مهما تختلف المظاهر  
جوه عكس ما يبقى ظاهر  
فيه خبيث فيه اللي طاهر  
بيت وقيمته حسب اللي ساكن ..

زيهم زي الأماكن  
ليها أوصافها وعيرها  
تبتعد عنها ولكن  
فيها حاجة رابطاك فاكرها  
كلمه أو نظره وإشاره  
سر أو حاجة وأماره  
حتى لو غامضه المهاره  
ف الطباع مش زي غيرها ..

مهما ب نزين كلامنا  
عكس ما تبين وشوشنا  
مهما بتخبى ف آلامنا  
أو حواجزنا تحوشنا  
كل حاجة بتبقى واضحه

ميينه روحها وشارحه  
الحقيقه صعبه جارحه  
بس بتفوق في روحنا ..

ده احنا ملامحنا المرآيه  
اللي عاكسه إيه في جوفنا  
لكل واحد 100 حكاية  
مهما ياما ناس تشوفنا  
فيه اللي ما يفهمش حاجه  
وفيه اللي ما يحسش بحاجه  
وفيه اللي فاهم كل حاجه  
حد بس اللي عارفنا ..

مش نفاق انك تداري  
حاجه واجعاك في الضلوع  
النفاق متكونش شاري  
صدق حاجه ب الدموع  
وف العيون بانوا اصطناع  
أو تظاهر أو خداع  
أو مجافاه في الوداع  
حاجه زي البسم هاري ..  
الزعل ع الوش باين  
والكلام في ملامحه كذب  
والنفاق زرع الجنائن  
حروفه طايره زي سرب !!؟

\*\*\*\*\*

## 82. شهر الصوم !

وبعطش برضه نُص اليوم ..  
واجوع وانسي ف وسطه النوم ..  
لكني ببقى مُستمتع ..  
واصلني ول الأذان اسمع ..  
واتوب ول ذنبي مش يرجع ..  
ب قرآني بسلي الصوم  
يقويني ينسيني هموم ..  
وأجره كله ف المعلوم ..  
وبدعي وقلبي مش شيال ..  
بسامح واعذر الأحوال ..  
وذكر الله يكون ع البال ..  
ومحو الذنب شيء محتوم  
ويوم اعزم ويوم معزوم ..  
ومش بظلم ولا مظلوم ..  
ده أصله شهر ل العبادات ..  
نشم عطره ف النفحات ..  
وجوه الروح يسيب علامات ..  
بدعوة مصحفي المختوم  
بزي وبدي ل المحروم ..  
واطيب خاطر المكلموم ..  
بكلمه طيبه صدقه ..



ده خیر بیزید من البرکه ..  
وکل خطیئه لیها وطأه ..  
بکون من ذنبها مرحوم  
وكله برحمة القيوم ..  
وغفرانه علينا يدوم ..  
بحق صيامنا يكافانا ..  
ويرحمنا وينصفنا ..  
مسلسل قید مکتبنا ..  
وباعدہ عننا ومرجوم

\*\*\*\*\*

83. وبتمنى !

ورغم اني مبتكلمش وياكي  
ولا اعرف حاجه عن حالك وأحوالك  
بحس بيكي بهواكي  
وبتمنى تناجي قلبي أوصالك ..

مانا مش قادر انساكي  
وبتمنى آجي على بالك  
وكل حاجه فاكر اكي  
بشوق سلاماتها بعثالك ..

أيوه توهنا ف البعاد  
ضيعنا أكثر ف ابتعاد  
والجفى ف قلوبنا زاد  
بس قلبي بشوقه جالك ..

غمي عينك هتشوفيني  
جوه صمت هتسمعي  
حسي بيا هتلاقيني  
قلبي وحده اللي نادالك ♡

\*\*\*\*\*

84. العتب ع النظر !

كنتي ورقه ف يوم رميتها  
مش هوطني لحظه اجيبها  
أصل أنا الحاجه اللي اسيبها  
إستحاله ارجعلها ..

حاجه مرميه ونسيتها  
رايحه ل اللي صاحب نصيبها  
ومش راح افتش برضه عيبها  
أو هذيع يوم سرها ..

كنتي وقت وضاع هذر  
واكتفيت لما اتغدر  
بيا وعرفت القدر  
حاجه هبعد عنها ..

معلش عتبي ع النظر  
ولنفي أهه أنا بعذر  
واللي ف عينيا يوم صغر  
مكانته فيا أنا شيلتها ..

ومهما ياخدني الفراق  
مش راح اضعف ولا هشتاق  
عندي كرامتي والكبرياء  
حاجه ما اتهاونش ف حقها !!؟

\*\*\*\*\*

85. ماحناش شبههم !

كل دول عُشاق حبييتي اتفرقوا  
ضاعوا ف فراق مكانوش بجد بيعشقوا  
واما بعدوا عرفوا قيمة حبههم  
بقوا محتاجين حد يسأل عنهم  
عايزانا نبقي زيهم  
طب هما بس ما صدقوا ..

ما احناش شبههم نبضنا جوهر القلوب اتعلقوا  
مش راح اسيب مراكبنا أبداً يغرقوا  
هيقابلنا كتير خلاف  
مش نهاية المطاف  
مش هنضعف مش نخاف  
والحلم مسيرنا نحققوا ♥

دولا يعدوا وما رجعوش  
ودولا مشيوا ما دمعوش  
ودولا حبوا وما عرفوش  
مع بعض أبداً يكملوا ..  
كام قصه مكانش ليها كماله ؟  
على كف الفرقه ومتشاله  
لكن احنا الحب ماهوش حاله  
ولا حتى بكلمه بنزوقوا ..

علشان بنكمل بعضينا  
والعشره مابتھونش علينا  
والصدق ما بينا بيحمينا  
مش سامحين ل الضعف يسرقوا ♡

\*\*\*\*\*

86. سدّ خانه !

أنا بالنسبالك وقت فراغ  
وقت ما تفضي قوام تفتكريه  
أنا سدّ الخانه ف أوقاتك  
اللي أساساً مش باقيه عليه ..  
أنا أصلاً مش ف اهتماماتك  
أنا حاجه كماله في حياتك  
ب بيان في ردودك سلاماتك  
وفي كل كلام ولا نفذتيه ..  
تبعدني وقت ما بتحبي البعد  
تستخسري أوقات حتى الرد  
تختفي وقت ما قلبي بيحتاجك  
ومشاعري اتصدت منك صد ..  
أنا قلبي خلاص بقى زي الورد  
دبلان من كُتر الجفا والبرد  
من كتر الخوف مبقاش يشوف  
وف كل حياته بقى زاهد زهد ..  
أنا فعلاً كان عندي استعداد  
أعبر في بحور وأعدي بلاد  
واملاك كل حياتك فرح  
ويقالنا انا وانت بيت وولاد ..

لكن فجاه ضغطتي على زناد  
ورصاصتك صابت قلبي وزاد  
نزفه ف جرحه و غاب فرحه  
وده كله انتي اختارتيله ميعاد !

\*\*\*\*\*

87. إستحاله

مد إيدك شُدني.. ماتسيبش فُرقه تَهْدني  
ماتسيبش قلب بيعشقك.. قرب تعالى وضمّني  
ماتسيبش بَعْد يذلني.. ولا رعشه فيا تهزّني  
ماتسيبش حُضن بيندهك.. متخافش مني وحبني ..  
هد جسر الخوف وقرب.. ليه بتبعد ليه بتهرب ؟  
قلبي محتاجلك معاه.. ف البعد من غيرك بيتعب  
قبل ما تموت الحكايه.. وينكتب ليها النهايه  
حبنا هيكون بدايه.. بيه على الماضي هنشطب ..  
بيننا نمشي ع الشطوط.. نرسم الأحلام خيوط  
نبني منها الحب مركب.. نلقى شوقنا ع البيوت  
قبل م الأيام تفوت.. واللي بينا يكون سكوت  
بيننا نتكلم ونحكي.. قبل م الأشواق تموت ..  
ده احنا فينا العشق حاله.. قصه ليها 100 كماله  
لهفة الحب ف عيونا.. خلّى فُرقتنا استحاله ♡

\*\*\*\*\*



88. سكاكين العمر بتسرق !

أنا ناوي خلاص ومقرر  
من كل قيودي اتحرر  
ولا يوم هايهمني ناس  
ولا حتى مهم أبرر ..

أنا حد ماهوش متكرر  
أنا لغير ماهوش متفسر  
هتصرف ب الإحساس  
وهقول وهغني واعبر ..

هخرج من كل احزاني  
وهطلع كل جناني  
وهعيش وافرح ب زماني  
ولو لازم الأمر اتغير ..

هبعد عن أي كآبه  
هعتبر العمر سحابه  
وساعاته ف الفضا متسابه  
لو عدّي.. عليه هتحسر ..

واهي زي ماتيجي مش تفرق  
سكاكين العمر بتسرق  
والمركب لو يوم تغرق  
مش ممكن تاني تعوم ..

الذكي هوّه اللي بيسبق  
ويعيش الدنيا ويلحق  
واللي ف نفسه هيتحقق  
لو مبقاش ثاني مهموم ..  
وساعتها أكيد مش يخسر !!؟

\*\*\*\*\*

89. الغلطة مني

بس عارفه الغلطة مني  
كنت عارف إيه واجعني  
كنت عارف ضعفي حبك  
كان مسيره ف يوم يهيني  
كنت اخبي ف دمع نني  
أول ما احس صوتك واحشني  
كنت اموت ف البعد عنك  
وانتي دائماً بعيدة عني ..

قولتلك إني بحبك  
واني دايب ف عشق قلبك  
كان سكوتك يهد فيا  
وردك اكر كان يقتلني  
كنت اقرب رغم بعدك  
واسألك إيه اللي باعدك  
إيه اللي واجعك واللي تابعك  
وانسى منك إيه تابعني ..

بس عارفه ..الغلطه مني !!!

ولما اقولك إيه آلمني  
احس حد مش سامعني  
تضحكي وتنهي الكلام

كانه حد مش عارفني  
والجراح تكبر وتنزف  
ويان وجعي ومش بيعطف  
والأم يصرخ يوماتي  
خسارة حد مش حاسني ..  
واسكت تقولي سكت ليه ؟  
أرد اقولك لا مفيش  
تسأليني مالك في ايه ؟  
أرد تاني واقول مفيش  
يعني ممكن اقولك ايه ؟  
أصل الوجة ما بيتحكيش ..  
بس عارفه.. الغلطة مني !!؟

\*\*\*\*\*

## 90. اختلاف الروح !

البنات عن بعض تفرق  
فيه شمس تطلع شروق  
وفيه نجوم ف سماها تُبرق  
جوه لمعانها الفروق  
وفيه نجوم لكن مطفيه  
حتى ف اللمعه مداريه  
بس مابتقاش عاديه  
مهما نزلت عاليه فوق  
كل واحده حسب ما تعشق  
مهما كانت حاسه شوق  
جوه حب حقيقي تغرق  
ومن حنانها يا مين يدوق  
والغروب أجمل مناظره  
فيها يتحول مخاطره  
حلوه ل اللي عليها صبره  
طبعه حلو وكان خلوق  
إختلاف ف الروح ف تكه  
فرق نظره وفرق شكه  
فرق خطوه وفرق حركه  
فرق إحساس ف العروق !!!

\*\*\*\*\*

## 91. أقساط الموت " لقاء التواييت " !

الموت ب التقسيط مش أرحم  
من موتك دُفَعَات ب مُقدم  
ولقاء التواييت ف الحفره  
ف نهايته دروس ياما بتعلّم ..  
لو موتك جايلك على غفله  
أحسن ما يجيلك ببطيء  
مع إن الآخر في القفله  
بتشوفك وحدك ف طريق  
والأصعب لما بتتودّع  
ب النظره وعطف بشيء يوجع  
لو مهما بتمنّاك ترجع  
مش نافع مهما هتتكلم ..  
إنما لما بتمشي ب فجأه  
إحساسك وقتيها يبقى بوجعه  
ودمعه ف لحظه ب شكّه  
وعينيك تقفل دنيا تضلّم ..  
ولا صدرك برحيل بيضيق  
ولا تفضل عايش تعليق  
وتلاقي عيون المخاليق  
مش راحمه وجواك تتألم ..

أقساط الموت لما تصيبك  
بتعيش متحايل ف نصيبك  
وساعتها بتتغافل عيبك  
وتفكر ف الآخره مبلم !!!

\*\*\*\*\*

92. خصوصيه !

ل ربي اسجد له من قلبي  
من غير شعار أو سطحيه  
بيهديني و يكون قُربي  
أنا ديني مش حاجه ظاهريه  
الدين في القلب  
علاقه برب  
بتوب عن ذنب  
والجأله وانا صافي النيه ..  
صلاقي حاجه خصوصيه  
لا ليك ولا ليه دي حاجه ليا  
بطهر روعي بيها بصفى  
بتبعدني عن الدنيا  
ولما اغلط تصححني  
ولما اغفى تفوقني  
ومن همي تداويني  
تفتح بصري و عينيا ..  
توصيني على الأخلاق  
تزيد في الصبر والأرزاق  
تفك الكرب والمحنه  
تعالجني وتكون ترياق ..



بقرب بيها م الجنة  
عشان ادخلها واتهنى  
تحافظلي على عيلتي  
تحققلي ما بتمنى ..

تنجيني ب دعواتي  
تكثرلي ف حسناتي  
تريحني وتفرحني  
وتشفعلي ف مماتي !!!

\*\*\*\*\*

93. حظي مقنديل !

أنا ناي مكسور.. وجيتار أوتاره بتقطع  
وبشب السور.. كل اما اتقدم خطوه ارجع  
أنا آله وترسها متعطل

متكعبل ف طريق متشاكل  
وبرغم ان انا حظي مقنديل  
بضحك وانا خايف متوجع !

والدايره تدور.. عماله تضيق وبتوسع  
وبكون مجبور.. بحواجز بتحاول تمنع  
ان انا ل الحلم ف يوم أوصل  
مقدرش اتغير واتبدل

لو مهما بيحصل يستحمل  
لو صوتي محدش ليه يسمع !

أنا حاجه قزاز.. متصابه بشرخ ومتصدع  
محتاج إعجاز.. علشان م الهم ف يوم اطلع  
متأني انا لكن مستعجل

وبحارب ضعفي ومستقتل  
أدمنت الحزن على قليل  
دي عيوني ف ضحكتي بتدمع !

أنا نغم الحزن على كمنجه  
بتجلجل بالصوت بتسمع  
وايدين م العزف بتستحمل

وبرغم أَلَمها ولا بتشبع  
أنا 100 معزوفه ومقطوعه  
ومايسترو عمال بيدع !

الحزن الآله المشتركه  
اللي انا بعزف على أغانيها  
وبسيبها وبمشي على البركه  
ل جرابها ف فرحي بوديها  
وبقيت متعود على وجعه  
ماهو أصله مقدم أنا دفعه  
وطوفان مقدرش أكون مانعه  
أهي حاجه بعيشها وبجاريها ..

يمكن مظهرها قوام يخدع  
لكن ب مجيه حاجات تتبع  
والصوره بتبدأ تتبين  
وألمها كبير أوي مش هين  
تدني الطعنه على حنين  
وصراخ الآهه ولا بيطلع !!؟

\*\*\*\*\*

94. ازاي حبيتك ؟!!

إزاي حبيتك وبسرعه من غير حسابات ؟  
إزاي حبيتك وقدرتي تشيلي المسافات ؟  
إزاي بقى قلبي ف إيديكي ؟  
وبدوب من نظره بعينيكي  
وبقيت مهتم أوي بيكي  
واشمعنى ؟ انتي بالذات ♡

ده انا حتى عرفتك ونسيت كل اللي فات  
وكأني ف لحظه معرفتش ولا أي بنات  
وبقيتي لوحديك أنا شايفك  
وكأني من قبلها عارفك  
بلامحك صوتك وبوصفك  
وبشوفك بتدق ف قلبي أغرب نبضات ♡

وبرغم ان احنا لقانا صدقه  
وف لحظه وكانت لينا خاطفه  
أنا عارف وانتي كمان عارفه  
ده نصيب وميعاد ..  
تتلاقى قلوبنا باللهفه  
وكان ليها عيون أو شايفه  
موصوفلها بالحرف الوصفه  
لو بينها بلاد ..

وقابلتک من غیر ما استنی تبقالي حکایات  
مع قلبک إنتي ويشغلني کل الأوقات  
برتاحلك ومشاعري اتشدت  
دي عیوني ف عشقک إتاخذت  
و الوحده علی إيديکي اتهدت  
وبقيت متمکن من حبک واخذ شهادات ♡

\*\*\*\*\*

95. لازم تنساه

لما يتغير عليك  
اللي تتعامل معاه  
بنيه صافيه جوه فيك  
يقي ضروري لازم تنساه ..

يقي ع الغلطة واقفلك  
علي أي كلمه بيتلكلك  
عمال كل شويه بيحدفلك  
لغز تتضل وراه !

وتبقى باقي عليه لدرجة  
بالكلام تُقعد تتأسف  
مع إنك أصلاً مغلطتش  
بس حبك ليه بيضعف  
وهوه عمال فيك بيحبط  
ف القساوه يزيد وينقط  
يوجعك بحروف بتكبت  
كل حبك و فيك بتكسف  
ويجرحك متقولش آه !

تبدأ انت تزيد دموعك  
وتحبس الآهه ف ضلوعك  
تكره اكر ليه خضوعك  
من جراحه ومن قساه ..

وهو مش حاسس بجرحه  
حتى مش فاكرك ف فرحه  
زي غيره طلع وشرحه  
غيرت طبعه الحياه !

مع إنك عارفك ف النيه  
بتتعامل كلك عفويه  
وتزيد النسبه المئويه  
بالشك ف روحك بجفاه ..  
تبدأ تتكلف ف بساطتك  
وتفكر إنها مشكلتك  
وتخاف اكر من طبيبتك  
علشان كنت بتتمنى رضاه !

ولما انت اللي تسببه وتمشي  
يجري وراك ويقول معلشي  
غصبن عني جرحتك عارف  
إزاي و وجعتك معرفشي ؟!

ويترجاك علشان ترجعه  
بعد ما كنت انت تدمعه  
وف عز همومك تسمعه  
وياما اتكلمت ومسمعشي ..

هيا أصل حياه غريبه  
ناس بعيده وناس قريبه

ناس بتهوانا ونسيبها  
وناس بنهواها وتسيبنا  
حاجه ف المضمون عجيبه !

وناس بتجرحنا نداويها  
وناس بنجرحها تداوينا  
وناس بنبعدها تقرب  
وناس نقربها وتبعد  
وناس بتحضر رغم غيبه !

لما يتغير عليك  
اللي تتعامل معاه  
بنيه صافيه جوه فيك  
يبقى ضروري لازم تنساه !!!

\*\*\*\*\*



96. ضلّم أوضتك !

لما تلاقي مرايتك خايفه  
تبص لنظره جوه عينيك  
لما تلاقي حكايتك عارفه  
وحاسه مرارك جوه فيك

لما تلاقي نفسك واقفه  
دمعه حزينه بتبكي عليك  
لما تحب وتوفي وتخلص  
وتدّي لكل الناس حواليك

عكس الطيبه تلاقي قسيه  
تلقى الوحده بصوت تناديك  
تيجي ف ودنك فربك تهمس  
أنا بيتك ووطن ياويك

إعرف انك م الخذلان  
حسيت خوف جواك ك طوفان  
يُعصر قلبك م الأحزان  
ولا حدّش كان حاسس بيك

أقعد دور ع العنوان  
اللي تلاقي فيه النسيان  
ويشدّك من بير كتمان  
يمكن يوم فرحك يلاقيك

وما تُحطُ آمالكِ كامله  
ف حد تحبه ويعمل عمله  
وتصحى بصدمه أكيد مش سهله  
تلقى ضلوعك ضايقه عليك

وما تشوف الناس ألوان  
ومحدش كان فيهم صان  
ولا حتى حسيت بأمان  
وملقتش الحزن اللي حاميك

ضلم أوضتك واقعد فگر  
فين العيب ؟ خطط قرر  
واعرف غلطك ل يوم يتكرر  
خلي إرادتك نور يهديك

وانوي تكمل وما تضعفش  
وامشي طريقك وما توقفش  
جمد قلبك ماتبينش  
لو مين حاول يحبط فيك ☺

\*\*\*\*\*

97. الشك !

من عيون حبت ملامحك قبل ما فيكي تدوب  
من إيدين لمست إيديكي حسّ النبض ف قلوب ..  
من مشاعر سلّمت روحها ل هواي راحت معاي  
رجعت بسرعه فارشه ب الورد الدروب ..

بعّت الفرحة عينيكي مني ليكي  
مش كلام يتقال يدوب  
غير عشانك ولحنانك جوّه حضنك  
شمس ما بتلقاش غروب  
ياملاكي صعب اسيبك أو ف يوم مابقاش حبيبك  
أصلي مالياش ف الخيانة طبعي مش كذاب لعوب ..  
راحه ملهاش ل النهايه غير طريق مليان ظنون  
كوني واثقه يا حبيبتي حبي ليكي فاق الجنون  
إوعي يوم تمشي ف طريقهم مش هتلقيني ف آخرهم  
هوّه لما الشك يحضر بعده إيه ممكن يكون ..

غمضي للحظه عيونك  
هتلاقي إني بصونك  
واني م المّحال اخونك  
إنتي روحي واللي بينا مش عداوه أو حرووب ♡

\*\*\*\*\*

98. خسرونا بعض !

وخلينا لا نتعاقب  
ولا فيه شيء يصفينا  
ولا تاني هنتصاحب  
خسرونا بعض بايدينا  
ما كنا اصحاب ومش اغراب  
وبينا لوم حنين وعتاب  
بدينا الحب شوفنا عذاب  
وادينا جرحنا بعضينا !  
ماين شك وماين غيره  
ماين حب وماين حيره  
ماين اسباب تاني كتيره  
خدتنا وضعنا ولا جينا  
كانت مشاعرنا ليه اسيره ؟  
وصعبه علينا وعسيره  
زادت مسافاتنا وكبيره  
وادينا رجعنا وحدينا ..  
وشيلنا ف نفسنا بفرقه  
بنبي علينا وبحرقه  
ووقت الفرح كان سرقه  
كانت اوقات تداوينا ..

لکن اُکتر کانت غُریه  
کانت خوف آه کانت رهبه  
کانت ف عنینیا لیه لعبه ؟  
. وخلصت فوقنا وضحینا ؟!!!

\*\*\*\*\*

99. ما بتعشقش

وبحتاجها ومن ضعفي مابتعلمش ..  
وعارف إنها واحده ما بتعشقش ..  
واعشّم نفسي بسؤالها ..  
واقول باجي على بالها ..  
وبرضه اعمل علشانها ..  
حاجات ف آخرها مابتكملش  
وحتى الرقه فيها عاجزه ومابتعرفش ..  
تحزن قلبها القاسي ولو بالكلمه مبتقدرش ..  
ولو ردتّ عليا بحرف يكون بارد ..  
بأسلوبها وطبعها الجامد ..  
وانا عارف هوايا ظرف ليها عارض ..  
هتمشي ف يوم وهتسيبني وما هترجعش !  
وبتهزّر وتستهترّ وانا اتوجّع وما بتسمعش ..  
وتتجبر ولا تعبر ف قلب اداها ما استخسرش ..  
وروحها فيها معميّه ..  
وتكذب في الأهميه ..  
مع اني حاجه احتياطيّه ..  
منسيه فيها ما بتفكرش

وتتغیر وتتکبر ولو غلطت ما تتأسفش ..  
تعلق فیا بهواها زیاده اکر وما بترحمش ..  
وبتسیني أموت مخنوق ..  
وبتعذب بغدر الشوق ..  
وهیا بكل قلة زوق ..  
فاهمه وعامله مابتفهمش !!!

\*\*\*\*\*

100. علشان ارضيها

أحكيها حكاية  
علشان انيمها  
تضحك ضحكها  
وتقول كملها  
مبسوطه بحبك  
وبوجودي جنبك  
عارفه انه ف قلبك  
مفيش غيري معايا ..  
وتغمض عينها.  
وتروح ف النوم  
وأحس حنينها  
قبل ما بتقوم  
على طول اكلمها  
علشان اصحياها  
أتصل الاقياها  
بتقوللي واحشها ..  
وبصوتها الهادي  
بكلام مش عادي  
تندھلي برفه  
تشبه ملاك ..  
وأشوفها قصادي



تُخَطِّبُ فِ وِدادِي  
مِنْ قَلْبِها عاشِقَه  
سَحَرها فَتاكِ ..  
واقَعِد اَضَحَكِها..  
وانا غَش فيْها..  
وَكِمان اَدْلَعِها..  
عَلشان اَرْضِيْها!  
اَحْكِلِها حِكاِيَه ♡

\*\*\*\*\*

101. عيوب ومزايا

إحتاروا ف الأوصاف  
اللي يقولوها عليا  
اللي عرفني وشاف  
الطيبه جوه عينيا  
واللي عرفني و خاف  
من كبريائي فيا  
أحب اقول اتي  
هافضل كده اكمني  
فيا عيوب و مزايا  
أنا جزء منها و جزء مني هيا !!؟

\*\*\*\*\*

102. 100 سؤال

لما اكرّر 100 سؤال  
وانتي تتعاملي ببرود  
وتبقي ع خاطر والبال  
وانتي بتجاملي بجمود  
لما أوصل 100 وصال  
وانتي فيهم تقطعي  
واما أعمل ف المحال  
ومنه برضه تقللي  
يبقى صعب اني أعود  
زي ماعرفتيني يوم  
شيبت من كتر الهموم  
وخلي عندك ف المعلوم  
إن حتى مفيش ردود  
بدأ الموضوع يتبوخ  
والقصه بقت بتمسخ  
والحب ما بينا اتلخلخ  
مبقاش فعلاً موجود  
وعزولنا اهه فينا اتشفى  
والقلب خلاص اتوفى  
وطفح واهه فاض واستكفى  
وفراقنا واقع مفروض

كان عشقك فيا بيكر  
وفضل بالوقت بيصغر  
وياريت وياكي بيظمر  
أو تعبي معاكي محمود  
والي كنت بحبي قابله  
بكل عطف مني شامله  
وأي شوق أنا كنت وصله  
أصبح خلاص مرفوض  
والبيعه مره بتجمل  
وشروخ كثيره بتعمل  
كام حيطه وبينهم تفصل  
وطريق بيكون مسدود !!!

\*\*\*\*\*

### 103. فُرَقه وشتات !

ترتعش لسه الأيادي.. وتخون بلادي  
 عندكم طبعاً الخيانه.. بقى شيء وعادي  
 على أي حاجه مُشتتين.. ع الزيف أونطه مكملين  
 مين كان سَمَح يدخل لعين.. وسطينا كان بوجوده راضي ؟!  
 وان جينا قولنا حق اللي مات.. نسمع سكات  
 فُرَقه وشتات.. حق الشهيد بقى كله ماضي  
 وكأنه كان حد عادي !!!  
 عمالين تتجملوا.. وتزيّفوا كل الحقايق بالكلام  
 ع الحلم ليه باب تقفلوا.. وتكثّروا فينا الآلام  
 طب ده اللي ماتوا اتحملوا.. فوق طاقتهم كملوا  
 نزفوا وضحوا أدوا حياتهم  
 علشان مقابل مش أي حاجه والسلام !  
 حلموا يشوفوا ضي شمس.. ف الكون ييسطع يخفي ياس  
 وينتهي ضعف النفوس.. سلطه فلوس  
 وتختفي كل حاجه شمال وعكس !  
 كان حلمهم حياه كريمه.. وان البلد تبقى عظيمه  
 وتصبح فنار وسط الأمم.. قيمة الوطن مش ف العلم  
 قيمة الوطن ف اللي اتظلم.. ده الجهل بؤس !  
 وانتوا من شهره ل كراسي.. ل انتخاب ونظام رئاسي  
 وانتهاز حلم وطموح.. جرأة شباب طبعه حماسي  
 لسه فينا كثير مآسي.. لسه الغني طبعه قاسي  
 لسه الفقير عايش ذليل.. ف الشوارع والنواصي !

البيه ابوه يضمنله منصب.. ف السلطه ولأ الثروة يحسب  
وبكلمتين يكذب وينصب.. ويبقى باشا و أصله ناسي  
والي كافح بالشرف.. ومداقش يوم طعم الترف  
شاف المزار طفح القرف.. متهان مالووش ولا أي وافي !  
ميزان العدل ف الكفه مايل.. ف كفه فاضي وكفه شايل  
تاره يحكم بالهوى.. وتاره يحكم بالجمال  
والواسطه زينه ل المصالح.. وخير بلادنا بقى كله طالح  
والوضع فعلاً بير وطافح.. ولسه كوم الدم سايل !  
ولحد ما يوم ينتهي.. الظلم وتعم العداله  
وتبطل النفس تشتهي.. وتختفي كل النداله  
ونعيش حياه تكون آدميه.. فيها المساواه والحرية  
ولقمة عيش نضيفه سويه.. وما اشوفش ناس تاكل زباله !  
ولا ناس تعيش حياتها عاله !!!  
مش هغمي عيوني واركع.. مش هطاطي ف لحظه وارجع  
مش هسلم بانهياري.. مش هنجرف مع التيار  
مش هسيبها ف يوم ولا اخضع !  
بس صوت الحق هسمع.. مش هكون ذليل ولا اخضع  
ومفيش بديل ولا اختيار.. وده كله جد ومش هزار  
ومش هيقدر حد يمنع.. صوتي يطلع  
لو مهما فيا الآآه هتوجع !!!

\*\*\*\*\*

104. حبيب مخبول !

أنا جايـز بضـحك على رـوحي  
وبـعمل عاقل  
وبـدوس على وجـعي وجـروحي  
وبـيها انا قابـل  
واذا كنت غـلـطـت انا كان غـلـطي  
ان انا علـشان مـبقـاش نـمـطي  
زودت جناني وبـعـبـطي  
موزنتش بينهم واستاهل ..  
وما بين رسياني وطققاني  
معرفتـش اظبط ف ميزاني  
والحب اللي ف قلبي عماني  
وربكني وانا معاها بتعامل ..  
كان نفسي تحس بأحاسيسي  
أو تتعامل  
على روحها عشائي وتعشقني  
أو تتساهل  
أو تـدّي ف ربع اللي ادّيته  
وتداوي الوجع اللي داويته  
وتقدّر حب انا حبيته  
أو بس معايا بحنيه ف لحظه تـجـامل ..

وما بين خطواتي اللي ماشيها  
علشان ما ارجعش ف يوم ليها  
وما بين العشق ف مراسيها  
كام موجه و 100 مليون ساحل ..

لا انا عارف اعوم وابعد عنها  
ولا عارف اقرب تاني منها  
ولا قادر أفضل ف مكانها  
أتفرج ولا احط بدايل ..

كان بعدي أكيد لازمن محتوم  
وعليه دمغات ف فراق مختوم  
وعيون تبكي وقلب ومحروم  
والدمع على الخد وسایل ..

خلّتي أهاجر أراضيتها  
مع إني اتمنيت ارضيتها  
مش بكره ولا نفسي اعاديها  
بس محبتش الحال المایل ..

والودّ خلاص مبقاش موصول  
والحب مسيره يكون مقتول  
علشان انا كنت حبيب مخبول  
ف هواها انا سويت ف هوايل ..



وده كله أهو راح وف غمضة عين  
وف عز الفرح صبحت حزين  
ومكانش ف جوفي غير اختيارين  
واحد ظالم والتاني عادل ..

وسؤالي لنفسي ان انا مسؤول  
علشان حبيت فوق المعقول ؟  
ولا ماهوش ذنبي العشق أصول  
والأصل ف عشقي مش اتساءل ..

أنا بس بلوم قلبي العاشق  
كان لازم بالعقل يوافق  
قبل ما يتوجع ف مفارق  
وبغلطه يجييلي دمار شامل !!؟

\*\*\*\*\*

105. بُصِي طيشك !

بُصِي قولك والكلام  
بصي طيشك والتهور  
حتى يعني مفيش سلام  
حادثه طوب عمال يعور  
والاندفاع ولا التسرع  
والمواقف اللي توجع  
ده الزمن عمره مايرجع  
زي كاميرا اما تصور ..  
و الكلام عُمره ما ينفع..  
بعد صوتنا لما يطلع !  
زي طلقه من مُسدس  
فجأه بتصيب فجأه تخرس  
لما ع الزناد بنكيس  
تُخرج الحروف بيه مدفع ..  
حُرصي متبقيش غشيمه  
ده الكلام بيقل قيمه  
من وجودنا لما نغلط  
والسكوت أوقات غنيمه  
واللسان زي الحصان  
إن صوتتي صان

وان هنتي هان  
زي اللجام قيمته عظيمه ..

ولكل وقت وليه أوان  
بس إختاري الزمان  
وكله بالتوقيت ييفرق  
حتى من حواليه المكان ..

ده الكلام أوقات بيدبح  
زي 100 سكينه تجرح  
مش هعيد ولا ازيد ولا اشرح  
إعقلي وابقي حكيمه ..

حُطي عقلك جوه راسك  
تعرفي منه خلاصك  
فكُري قبل الكلام  
واهدي خُليكي حلیمه !!؟

\*\*\*\*\*

106. گُنت

قبل ما بتنام كنت احكيلها  
حواديت وساعات انا اغنيلها  
أنا كنت سندها وقوتها  
أنا كنت دموعها وضحكتها  
أنا كنت حياتها وحكايتها  
وف عز ما بتتوه بناديلها  
وبكون الضي لقناديلها  
وف ضلمة ليل نجمي دليلها  
كات بنتي بنفسي انا سميتها  
ولأول مره بيه ناديتها  
أنا كنت وطن وونس بيتها  
وف كل الأوقات بدعيها ♡

\*\*\*\*\*

107. عليك الدور !

إيه يحبس سجنك يا ظالم ؟  
غير جسد ضعيف منحور  
ده انت بقوتك واهم  
إني هكون مكسور  
أنا روعي مالهاش سجن  
وألمي مش بيان  
وعليا مش هتمن  
ده انت البعيد مجبور !

دي قيودي تتفك ب خوفك  
وصوتي ده شوكة ف جوفك  
أنا الرعشه اللي ف حروفك  
و حابسك جوه ضي النور

مفيش حد هيملكني  
غير وطني اللي ساكني  
وشايله ف حباب النني  
وعلى حاله حزين مقهور

تقيّد إيد تغمي عيون  
مريض نفسي و أكيد مجنون  
جواك ضعيف ومش موزون  
ف الضلمه بس تكون مستور !

لا ليك ماوى ووطن ياويك  
ولا ليك عزيز أو غالي عليك  
وطنك ف قرشك  
ومعبي كرشك  
بطمعك .. بجشعك  
سجين نزوه بحيطه و سور !

و فكرك يعني انا هطاطي  
أو حتى ضميري مطاطي  
ماهكونش انا زيك واطي  
أو ابرر و اقول معذور

أنا جايز ما بملكشي  
وبنفوذي ما بحكمشي  
لكن رافض ما بقبلشي  
أكون زي اللمون معصور !

أنا الفكره اللي مش هتموت  
أنا الرعب اللي جوه الصوت  
أنا الصرخه و لو ف سكوت  
تحجم ظلمك المغرور

هتهزمني ف يوم هيفوت  
هتستقوى هكون جبروت  
هترجع تاني يوم هلفوت  
هتكبتي مسيري أثور !

هتجلدني مش اتأم  
هتسجني و هتعلّم  
ومش هضعف مش استسلم  
هكون دايماً شجاع منصور

هتفرح بانتصار جوله  
هتبني بالدماء دوله  
مسيرها للسقوط آيله  
وبكره جاي عليك الدور !!؟

\*\*\*\*\*

108. زي ماروحت زي ماجيت !

لما تدور تلقى مقامك  
بقى جواها عادي بسيط  
لما تخبط تقفل بابها  
ولا بياثر فيها تخبيط  
لما تسيبك زايدده آلامك  
تعمل بينكم سد وحيط ..  
عادي ما تدقش إنسى وطنش  
وماتندمش انك حبيت  
وما تضعفش وماتتهزش  
انك شوفت هواكم بيت  
زي مانسيت حبك قويت  
إقوى ولو لثواني بكيت ..  
ماتفكرش انها ف سعادته  
لو هتقولك أيوه نسيت  
مهما اتظاهرت كده ببلاده  
جواها صوت هيقول حنيت  
مش هتعيش من غيرك فرحه  
طالما باعت وانت شاريت  
كل همومك هتكون طارحه  
حوالين منها .. آه هتقاسي مانت قاسيت ..



بُص ف عينها لآخر مره  
قولها انا حبيت بضمير  
ياما حافظت كثير ع العشرة  
واستحملت انا وجعي كثير  
مش ندمان على حب اديته  
ولا على قلب ف يوم حبيته  
عيشت معاه انا واثمنيته  
وضحي بيا وليه ضحيت ..  
هامشي وكل هواي نسيته  
باللي جنيته واللي قاسيته  
واللي معاي انا حسيته  
واللي ف قلبي كتمته داريت ..  
كتر خيرى الي استحملته  
كان فوق طاقتي  
ولا يوم حتى نطقت حكيت  
واللي مشيته اهه كله رجعت  
تاني يارادتي  
زي ماروحت زي ماجيت !!؟

\*\*\*\*\*

109. فهمت الدرس !!!

وعادي اتباردي واتناسي.. وزيدي جرح إحساسي  
وشوفي إيه بيوجعني.. ودوسي بطبعك القاسي  
خلاص مبقتش متعلق.. بطوق حبك ينجيني  
ولا م الوحده انا بقلق.. ولا فراقك يبكييني  
ويوم مانتى بعدتيني.. خرج حبك ف أنفاسي  
ده بحرك لما غرقني.. غرقت وكان بيعشقني  
صعبت عليه جايز يمكن.. مكانش راضي ييلعني  
وانا بغرق رمالي الطوق.. بقيت ع البر انا راسي  
فهمت الدرس واتعلمت.. محبش حد ويهيني  
ولو حتى ف يوم وصلت.. تكون كل البشر كارهيني  
كرامتي تبقى راسها لفوق.. وقلبي وحبى على راسي  
مسافة القرب كات بينا.. كأن مفيش ولا فاصل  
خلأها بقوه تجرحني.. وده اللي انا شوفته كان حاصل  
ودلوقتي بقيت واصل.. مشاعري بقلبي وبعقلي  
وقفلت عليا ترباسي !!؟

\*\*\*\*\*

110. الفقر !

أنا الفقر اللي عيش فيكي  
ومهاننش مره عليا اشكيكي  
أنا اللقمه اللي متهانه  
أنا الورده اللي دبلايه  
أنا الحاله اللي تعبانه  
بقى حالي عاجبك وراضيكى ؟  
بكل ما فيكي وجعانا  
ونصرخ ومش سامعانا  
أنا شعب مانتيش شايفانا  
من كتر ما غموا عينيكى !!؟

\*\*\*\*\*

# 111. إعتذار!

إعتذار ..

مشفوع حبييتي بخط مني بعدم التكرار  
أنا في انتظار

وهخط غلطي جوه خانة الإعتبار ..

وجعي ليكي وجعني أكثر

لو مكانك هنسي واغفر

لو بينا بحر هعدي واعبر

إجبري بخاطري ده أنا في حالة انكسار ..

إعتذار !!؟

\*\*\*\*\*

## الرباعيات

یاطالعه من البحور جینه  
وجوه الرقه متحنیه  
ف حبك ده الجنون لو طیش  
هیبقی السجن فیہ حریه ☺

\*\*\*\*\*

عیشت مآمن بدی امان  
ل الی ف ضهری جرحنی و خان  
بفتح حضنی و اداوی جراح  
وانا مش بلقی ل حضنی مکان !

\*\*\*\*\*

مین کان عایز یمشی یروح  
آدی الباب قدامه مفتوح  
بس رجوع تانی مفیش  
واوعی یفکر ماہتمشیش  
عادی هتمشی وهقدر أعیش  
حتی ولو هافضل مجروح !

\*\*\*\*\*

أنا التايب وگلي دُنوب  
وانا الميزه اللي فيها عيوب  
أنا النقص اللي مش كامل  
أنا الممنوع وانا المرغوب !

\*\*\*\*\*

أنا السجين الحرّ زنزانتي  
والفكره مش هتموت بجنازتي  
رافع راياتي ومعلي صوتي  
مش حاني راسي ولو ف موتي  
والكل عارف إيه حكايتي !

\*\*\*\*\*

زرعت روعي فدّان مقاومه  
لاجل اما احارب ما انهزمش  
لو دولة الظلم ع الوش عايمه  
حجم الإراده ماتتوصفش  
قيراط عزيمة.. يكفي لهزيمة أي باطل  
ومهما زاد الظلم أبداً ما بيتصرش ☺

\*\*\*\*\*

ساكتين بكوم ع العفن  
والسم هز البدن  
ناس تستحق الموت.. تعيش  
وناس تستحق العيش.. تموت  
وناس عايشه ولكن.. ملفوفه جوه الكفن !

\*\*\*\*\*

شرح النفوس ما يعالجهوش كلمة أسف  
دايرة تروس برصاصه غادره بتنصاب تقف  
كسر الخواطر مفيهوش ندم  
آه يا بشر ياللي اتخلقتوا من العدم  
بتستهتروا وتتكبروا وتتغيروا ب الحرف بتعيدوا الألم  
كفاياكوا زيف طبع الخداع فيكوا انكشف !

\*\*\*\*\*

ياللي هويت بالعجب  
العشق مالو دوا  
والحب مفيهوش عتب  
بيصيبنا سهم هوا ♥

\*\*\*\*\*



أنا المعشوق وأنا العاشق  
أنا نقيضين بنتسابق  
أنا الضحكه ف وقت الجرح  
أنا الدمعه ف وقت الفرغ  
أنا اللغز اللي مالهوش شرح  
ويتفسر يدوب ف دقائق !

\*\*\*\*\*

على إيه هتشيل حمول  
ويدور فكر العقول  
تتهم نفسك تمرض  
أصبر علشان تنول !

\*\*\*\*\*

نقابل عشق فيه بنتوه  
وبالمواعيد ده شيء مندوه  
ونتجرح وبرضه نكمل  
ف عز الضعف نتحمل  
أنا وقلبي بنتقبل  
عذاب ف الحب ليه رفضوه !!؟

\*\*\*\*\*

العمر سكة سفر  
والدنيا حس وخبر  
والناس معادن يابني  
إختار ما بين البشر !

\*\*\*\*\*

مش بتاع وقت وتسالي  
حبي كنز و قلبي غالي  
مش برخص ف المشاعر  
عمري ما لعب ب الخواطر  
واديني مستني وصابر  
الي تيجي تشوف دلالي ♡

\*\*\*\*\*

بتأسف وبتبرر  
تعيد ف الغلطة وتكرر  
وتتبارد وبتعاند  
وتيجي تقوللي متغير !

\*\*\*\*\*

بينزل كل يوم ويلف  
ويمرض بس مش بيخف  
وواخداه الحياه طاحناه  
كأنه بحر مش يجف !

\*\*\*\*\*

لما تبص ثواني حواليك  
تلقى الكل يسيب ف إيدك  
تنزف وحدك تشفى لوحده  
عيش علشانك بس و ليك !

\*\*\*\*\*

لما تعاتب تلقى عتابك  
يوجع قلبك إنت وبس  
لما تبص من شباكك  
تلقى كلامك صمت وهمس  
إوعى تشيل فوق طاقتك تاني  
حاول تبقى ل مره أنا  
واوعى تخاف إوعى تعاني  
هتلاقي أملك ينهي اليأس ☺

\*\*\*\*\*

أنا الغامض ومش غامض  
وواضح بس مُتناقض  
صريح جداً لكنني كتوم  
وساكت بس بتلامض !

\*\*\*\*\*

وبرغم الفقر وجوع كافر  
عمال بيقاوح ويعاقر  
وف عز الهم تبان ضحكه  
بتشدّه بعيد فيها يسافر !

\*\*\*\*\*

أنا شمشونك الجبار  
أنا بردك ف حر و نار  
أنا خدمك وانا حشمك  
وانا بورك وأنا الأسرار ♡

\*\*\*\*\*

اللي عايش نُص ميت  
والباقي ميت من سنين  
والقسية طبع غالب  
واللي ماتوا الطيبين !

\*\*\*\*\*

براءة الطفل بتحير  
بقلبه وطيبته بغير  
وبيصحي حاجات ماتت  
ولو إحساس فينا صغير !

\*\*\*\*\*

مانيش صاحب دموع زايفه  
ولا بهرب بعين مكسوره أو خايفه  
ولا بقدر أكون غيري  
بواجه كله بضميري  
ولا بعرف أكون تافه أو اتركك على الهايفه !

\*\*\*\*\*

مالك مكشّر يا جدع ؟  
إنسى آهاتك والوجع  
ياصاحبي قوم يلا ابتسم  
بالفرح خدك يترسم  
ده الرزق كله بيتقسم  
دنيا و فيها كثير يدع ☺

\*\*\*\*\*

أنا بسمه وفيها غمزاتك  
أنا عين مرسومه ب كحللاتك  
أنا سنّة لولي ب تضحلك  
أنا جزء ف بالك وف عقلك  
أنا روح توأمها ب يندهلك  
أنا بحر كلام جوه سكاتك 😊

\*\*\*\*\*

أصل البخل ده لون واشكال  
حاجه تتحس وحاجه تتقال  
حاجه مش بس فلوس أو مادّه  
بُخل مشاعر وارواح جامده  
ناس ف طباعها مفيش فيها فايده  
تاخذ حتى ماتدي سؤال !

\*\*\*\*\*

ف عشق العشق عشقاني  
وعشقي ف عشقها معشوق  
بعشقها تعشق من تاني  
والعشق عشاننا كان مخلوق ♡

\*\*\*\*\*

ياللي عاشقين تحبطوني  
ف الحياه وتخوفوني  
بطلوا محاوله وكلوا  
شوفوا حالكم فيه تملوا  
ده انتوا فعلاً ناس تعلوا  
استحاله تياسوني ☺

\*\*\*\*\*

وناس ب تفوت ف قلبي يدوب  
ب ضل وصوره ب المقلوب  
وناس تسكن ف أوكاره  
وتُحفر فيه طرق ودروب ♥

\*\*\*\*\*

ع الرفوف مركون مشاعر  
كله لحظه عشق عابر  
اللي بيضيع ف وقته  
واللي يتسلّى ب عادته  
واللي بس الشكل شرطه  
عشقه تجميل المظاهر !

\*\*\*\*\*

شعر أبيض ع الكراسي  
شعر إسود ف القبور  
واللي عايش طبعه قاسي  
واللي مات حس وشعور !

\*\*\*\*\*

بلملم مني كام شاطيه  
جابتلي انا وقلبي الكافيه  
قنابل فيا موقوته  
هتسنفني و بالعافيه !

\*\*\*\*\*

عن حياتي ماتسأليش  
وماتخافيش انا قادر اعيش  
ما انتهت ب بعدي عنك  
خذت قوة قلبي منك  
عارفه حاجه اكر تجنك  
تصدقني .. موحشتنيش !

\*\*\*\*\*



مش هيبجي أعز منك مهما جاني  
صعب احب وادوب أو اعشق حد تاني  
قلبي بعدك داب ومات  
حتى قطر الفرح فات  
عمري ما انسى الذكريات  
لسه م الأوجاع بعاني !

\*\*\*\*\*

أنا اللي فقير لكني غني  
بقناعتتي وببساطتي أنا مغتني  
لا عندي جاه ولا حتى مال  
وحيلتي بس راحة البال  
وعزة نفسي حمل جبال  
عمر الفلوس ما تذلني !

\*\*\*\*\*

والطب ف بلدي بقى تجاره  
وأكل الحق بقى شطاره  
والنصب خلاص بقى شغلانه  
والكذب بقى فنون ومهاره !

\*\*\*\*\*

صبح ل عینیکی ب لون ب الورد  
وصباح ل القلب وصباح ل الخد  
صبح ماوردش ف يوم علی حد  
وصباح ملیان ب الحنیه  
وصباحك كام كلمه هنیه  
وصباح متزین بعینیا .. کله تحیه  
وبشوق ملیان م السما للأرض ♡

\*\*\*\*\*

وتلاقي نفسك وسطیهم بتقول الغاز  
عایش وکأنك مستتی یحصل إعجاز  
علشان ما یحسوا ب أوجاعك  
ویفکوا کلامك ب سماعك  
وتلاقي ولو حضن یساعك  
وقت ما یتعاز !!!

\*\*\*\*\*

کل حب الدنیا کفه  
وانتی حبك کفه تانیه  
آه یاریتک بس عارفه  
إن حبك وحده دنیا ☺

\*\*\*\*\*

وازاى بتغرب وانا فيكى  
وعينيا بتبكي من القهره  
وبهون يا بلادي ليه عليكى ؟  
ولا انتي مفيش عندك فكره !

\*\*\*\*\*

اللى عايز يبقى حاجه هيبقى حاجه  
واللى مش عايز هيبقى برضه حاجه  
بس حاجه تانيه مش هتبقى أي حاجه  
غير كماله وسدّ خانه ولا أي حاجه !

\*\*\*\*\*

مادريتوش ؟ مش خلاص  
إتمحيثوا من الأساس  
كأنكم أصلاً ما كونتوا  
ولما هونت ! إئتوا هونتوا  
صعب صح ؟ اتفاجأتوا ؟  
جُم مكانكوا أحلى ناس !!!

\*\*\*\*\*

أنا حرسك وأنا السيف  
أنا اللي جريء وعمره ماخاف  
أنا اللي أعمى عن غيرك  
وقلبي بس وحدك شاف !

\*\*\*\*\*

كل شيء بقي طعمه مايع  
كل شيء بقي شكله خادع  
والكلام فقد احترامه  
والغريب سوء الطبايع !

\*\*\*\*\*

ما تحطوش الإيد على خد  
ولا تعتمدوا ف يوم على حد  
قاوحوا الدنيا وعافروا وكافحوا  
حبوا ودوبوا وواجهوا وصارحوا  
ذاووا الماضي وودعوا جرحه  
واوعوا تضيعوا ف هجر وبعد ☺

\*\*\*\*\*

حبرك ع الورق مدلوق  
وريحته فايحه منها الشوق  
وقمرك ضله شمسايه  
تضوي من غروب لشروق ♡

\*\*\*\*\*

مأ تبقوا اصحاب اصول  
إبقوا قولوا مقولش إيه وإيه اقول  
ولا هوو كلامكوا بس بيبقى ليا  
وامتهنتوا الكذب غايه بالقسيه  
مش راح اسمح تيجوا أبداً يوم عليا  
إكبروا ب فكر العقول !

\*\*\*\*\*

هز مشاعر شجرة روحك  
خليها تطرح صبر وقوه  
واروي جذورها بدم جروحك  
واجمد على ضعفك من جوه !

\*\*\*\*\*

إزاي فقلبي 100 وجع ؟  
وقادر اضحك وابتسم  
إزاي بطيبتني بتخدع ؟  
صابر وعمري مابتهمز ☺

\*\*\*\*\*

أنا صخره عليها نقشه بإسمك  
أنا ورقة عليها صوره برسمك  
أنا كل حاجات مقسومه اتنين  
وبشاركك فيها وبقاسمك ♥

\*\*\*\*\*

فَجِّر طاقتك وانهي الكبت  
قوم واتحدِّي وصارع الوقت  
ماتكتفش إيديك ب سكوتك  
ماتخلّيش الفرح يفوتك  
إرقص عبر طلّع صوتك  
متسلّمش ل خنقه وضغط !

\*\*\*\*\*

هاتعشق إعشق الأخلاق  
مش المنظر ولا الظاهر  
جمالها يروح تضيع الأشواق  
جمال الروح مالوش آخر !

\*\*\*\*\*

أنا اللي مش عايش ف فيلا وقصر  
أنا المعدوم تحت خط الفقر  
ده انا التعبان وانا الهلكان  
وانا اللي غُلبت من حالك يا بلدي يا مصر !

\*\*\*\*\*

وبتتعصب ع الحاجه السهله  
على أبسط حاجه مش مستاهله  
بتحب كثير السين والجيم  
وتفتح ف جديد وقديم  
ف دماغها لسه في ربع سليم  
وبقول لو يوم ترجع عاقله !

\*\*\*\*\*

ما دامك لسه عايش بتتنفّس  
خلاص بلاش تُحبط بلاش تيأس  
بلاش تحسب حساب عمرك  
هتلقاه .. كل ما يزيد ينقص !

\*\*\*\*\*

ولما سكت كان علشان  
حنيني اجتاحني في الوجدان  
وشوفتك أيوه يا حبيبتي  
معايا بطيف فكل مكان ♡

\*\*\*\*\*

وف وسط مشاكلك وهمومك  
بتجيك ضحكك وتتصبر  
وتهون على تعبك يومك  
وبتمنع أحزانك تكبر 😊

\*\*\*\*\*





الفهرس

رقم الصفحة	القصيدة	م
11	إوعديني !	1
13	و حاجات !	2
16	مش حرام !	3
18	هجيبيك	4
21	عند بابك	5
22	حاجه تفزع !!!	6
24	قصة منهيه	7
27	تباشيره	8
29	بحبك ♡	9
30	أمي	10
31	عروستها	11
35	وقت ضيقتي !	12
37	حكايتنا	13
39	ما تسألنيش	14
42	السماك اللي ف بطني !	15
44	كُله نصيب	16
47	باختصار !	17
49	حصروني مشاكلي	18
50	ساعات !	19
53	بتنعيني !!؟	20
55	أعذرها !	21
57	علشان تنساني	22
58	غوايش	23
59	يفوت طيفك	24

62	في كلام !	25
64	أنا مش جبان !	26
66	حل مؤقت	27
68	ليها سمعه !!!	28
70	طز !	29
72	لساكي ؟	30
74	أخاف لحظه !	31
79	إنت مالك ؟!!	32
81	معرفش اتمكيج !	33
84	نظرة غريبه	34
85	مش عيب مزمن !	35
87	لسه على قيد الحياه !	36
90	حب و عداوه !!!	37
92	ملبوسه !	38
94	إكتشفت !	39
95	أراجوز	40
96	مجرد حاله نفسيه !!!	41
98	بطلت !	42
101	مش خطيبتك !	43
103	أعز الولد	44
105	ماتتشمش !	45
106	سالب !	46
109	أيوه بغير	47
111	موقف كتاباتي !	48
113	مراره اتفقعت	49
115	صاحبي	50

116	أنيثاثر !	51
117	بضحك وافي	52
118	مسؤوليه	53
120	بالطيه بتخدع !	54
122	سرطان لعين !	55
124	مايپانش عليكي	56
126	مبقتش بحسك	57
128	هتستيني ؟!	58
130	زي عادتك !	59
132	ناس	60
133	إندهيني !	61
134	سبحان مين غير أحوالك !	62
136	قولت أجازف !	63
137	مكانش فبالى !	64
139	كحلاتها	65
141	آسف	66
144	كل ذنبك	67
146	بطلتي تتفلسفي !	68
148	ما توحشينيش !	69
150	اتخطبت !	70
152	أدمن عشقك !	71
154	شيزوفرينيا !	72
156	مفتقداك	73
157	إغفريلي !	74
159	الكرامه	75
160	ومين فينا ؟!!	76

162	زيرو !	77
165	حاسه بضغط !	78
167	خليك جنبها !	79
168	فاكره ؟	80
170	النفاق	81
174	شهر الصوم	82
176	وبتمنى	83
177	العتب ع النظر	84
178	ماحناش شبههم	85
180	سد خانه !	86
182	إستحاله	87
183	سكاكين العمر بتسرق !	88
185	الغلطه مني	89
187	اختلاف الروح !	90
188	أقساط الموت " لقاء التوابيت " !	91
190	خصوصيه !	92
192	حظي مقنديل !	93
194	ازاي حبيتك ؟؟ !	94
196	لازم تنساه	95
199	ضلم أوضتك !	96
201	الشك !	97
202	خسرنا بعض !	98
204	ما بتعشقش	99
206	علشان ارضيها	100
208	عيوب ومزايا	101
209	100 سؤال	102

211	فُرَقَه وَشَتَات	103
213	حَبِيب مَخْبُول !	104
216	بَمِي طِيْشَك !	105
218	كُنْتُ	106
219	عَلَيْكَ الدُّور !	107
222	زِي مَارُوْحَت زِي مَا جِيْتُ !	108
224	فَهَمْتُ الدَّرْس !!!	109
225	الْفَقْر !	110
226	إِعْتَذَار !	111
227	الرِّبَاعِيَّات	

كلامنا لما نتعصب..  
يضايق ويزيد الأوجاع..  
وبعديها بنستعصب..  
عتابنا بيبقى فينا ضاع..  
ولما نهدي بنفتح..  
بنلحق قبل مانجرح..  
بيبقى سهل أوي نشرح..  
ماينتفهمش ب عكس طباع !!!

.....

انتظروني الكتاب القادم

ضياء الدين حمدي

.....

لينك الحساب الرسمي على الفيس بوك

<https://www.facebook.com/Diaa.ElDein.Hamdy>

لينك الصفحة الرسمية على الفيس بوك

<https://www.facebook.com/diaa.eldeen.hamdy?>

[fref=ts](#)

.











# سالب زبدو

فنياء الدين حمدي

الحب فزماننا بقى مجرد علاقة  
وقتيه ومجرده من المسؤولية أو  
معلقه على شرط والفرق بين الحب  
والعلاقة إن الحب غير مشروط  
والعلاقة مشروطه وبزوال الشرط أو  
السبب تزول العلاقة وتنتهي..

الحب مش تعلق أو تعود أو إعجاب  
مش مجرد شيء مؤقت، الحب شيء  
أبدى وبرىء من أي حد يتلاعب  
بالمشاعر ويتلذذ بالأذية

تصميم الغلاف: محمد مجدى

Bibliotheca Alexandrina  
مكتبة



1503299